

青島市立德化中學

書  
牘  
集

永登回教協會全體職員來電

西北行營副主任兼青海省政府主席馬鈞鑒，我公德高望重，榮膺要職，坐鎮西北，政績昭著，夜不閉戶，道不拾遺，功高黨國，勛垂旂常，小師抗戰，懋美厥勳，殺敵致果，榮歸枝陽，歌功頌德，萬流景仰，奉令整訓，建國練軍，穆民之光，百世流芳，謹電叩賀，聊表敬意，謹頌崇安，伏乞垂督，永登回教會協全體職員叩魚印，復電

永登回教協會各位先生均鑒，魚代電悉，芳本以樛材，謬膺兼職，乃勞諸先生關切格外，遠賜賀言，辱獎飾之逾恆，益銘感於靡既，先生等盡力桑梓，物望夙孚，尙祈教言相頒，藉匡不逮，專伸謝忱，藉候公安，馬步芳府和穆機已馬印

復重慶行轅電

重慶行張主任賜鑒，頃悉新膺寵命，榮于軍機，以三蜀之干城作陪都之保

隨僑音入耳，驩欣傾心，特佈賀忱，敬候勛安。馬步芳叩。府亨穆機已馬印。

覆楊校長良

德慧先，勛鑒，遠睽

芝宇，中切系馳，頃奉

惠函，遠承

賜賀，欣感無任，值此憲政實施，大地春新，即維

勛，炳蔚

履祉吉祥，景福聯蕃，與歲時以俱進

新猶丕懋，卜途前之光榮，特致謝忱，敬候

勛安

馬步芳敬啟

張羣來電

馬主席子香兄，勛鑒，首祚凝庥，履端集慶，一元復始，庶績咸熙，膺鎖鑰疆圻

之希草木知名，裕韜鈴文武之才，鼎鑄銘績，翹曠吉譎，敬賀新禧。弟張羣東

### 金寶善來函

子香吾兄主席勛右，兼葭秋水，想望爲勞。許處長學培來京，獲奉

台翰，就諗政履，翔和。

勳華篤懋，懋如頌私。許處長已經延晤，試省衛生設備，與時邁遷，悉聆靈鑿。尤深佩忻，敝署力之所及，自當儘爲協助。揣此奉復，不盡欲言。祇頌勛綬。弟金寶善敬啟。十一月四日。

### 賀傅主席電

綏遠省政府傅主席賜鑒。頃悉簡命新膺榮主，省政以爲國之耆夙，作邊徼之福星。逖聽佳音，莫名怵頌。特電伸賀，敬候前安。馬步芳叩。府亨秘機馬印。

### 賀浙江沈主席電

浙江省政府沈主席賜鑒。頃悉簡命新膺榮主，省政著賢，登於黨國，佈惠澤。

於海疆引企風猷良殷露祝肅電奉賀敬候助安馬步芳叩府享秘機已馬  
印

沈圻來電

馬主席子香兄勳鑒，頃傳鵲報欣蘭階挺秀篤降孫枝如太邱之得陳群  
比謝安之生靈運鳳毛濟美秀萃一門燕翼詒謀澤綵白世敬賀麟臺昭頌  
勳祺 沈圻秘 四文

致教志清函

憲道老人家勛鑒遙暎

雅雅至切系馳頃接篠電欣悉

主教沈西開揚真諦

望高望重示矜式於來茲養到學深承遺澤於既往翹瞻

願爾莫整矧忱 普慈老人家真高介為隴上之耆夙方冀永享遐齡

望爾莫整矧忱 普慈老人家真高介為隴上之耆夙方冀永享遐齡

老人家仁愛爲懷素符衆望今得

繼承遺志衣鉢相傳邊隅教胞咸托

庇蔭其爲慶幸何可言宜芳久綰邊符慙無建樹尚乞

教言常頒俾作南針是所企盼專此奉賀敬候

教安

西安胡宗南來電

馬步芳敬啟

馬！席子香兄原貞秘機。馬電教悉陝北獲捷巨憇稽誅馭辱藻飾感慙  
交榮特電復謝胡宗南室宥秘

復胡主任宗南電

西安綏靖公署胡主任宗公賜鑒共匪盤据延安歷十二載殃民禍國流毒  
邊疆舉國人民莫不憤痛幸賴我公指揮若定銷滅兇鋒掃穴犁庭已寒奸  
匪之胆救焚拯溺川張聲討之威悉聽捷音無任欣忭前電馳賀敬候助安  
馬步芳叩府貞秘機實印

復胡主任宗南電

六

西安綏靖公署胡主任宗公賜鑒宙每秘宙皓西函電奉悉此次共匪以十五萬之衆頑強抗幸我軍陷阿衝鋒浴血苦戰搗其巢穴盪塞北之烽烟驅其元兇拯人民於水火此皆我公赤忱衛國慷慨誓師之所賜也行見聲威所播萑苻滅踪旆旆所臨壺窰載道完成中興之大業建立不世之殊勳遙企節麾莫名欣賀肅電慰勞祇候捷安馬步芳叩府貞秘機寅儉印

蘭州陶副主任來電

馬副主任子香先生弟奉調來蘭轄副主任襄理行轅業務自顧庸幹深懼不克負荷俯祈我兄本袍澤之誼特予匡誨俾免隕越爲幸弟陶峙岳成寒印

復電

蘭州西北行轅陶副主任岷公勛鑒成寒電奉悉日昨我公協總戎機官於副日肅電伸賀邀垂譽頌恭旌麾蒞蘭榮就新職福星戾止允作西北之干城威望遐宣定爲閭閻之愛戴遙瞻覽節曷罄禮儀再伸賀忱敬候勛安

弟馬步芳叩府利秘成復印

西安胡宗南來電

馬主席子香兄奉主席蔣寅冬創歆電節開第一戰區着即撤銷改稱  
西安綏靖署派胡宗南爲主任等因除遵照外特電奉聞弟胡宗南寅灰允  
印

復電

西安綏靖署胡主任宗公賜鑒寅灰允電奉悉膺榮特命鎮撫關中緯武經  
文著奇績於西北決勝定策播聲威於寰區迭聽佳音無任歡忭肅電仰賀  
敬候勛安馬步芳叩府貞秘文印

賀陶副主任電

新疆迪化蘭州西北行轅陶副主任岷公賜鑒頃悉榮膺特命協主成機功  
高望隆作西陲之保障民安邊靖爲塞上之長城引企旌麾莫名忭頌肅電  
仰賀敬候勛安馬步芳叩府利秘機成刪印



賀宋蔭國電

疆迪化警備總司令部宋總司令賜鑒新蔭國頃悉特命新膺榮總警權遠播  
聲威作瀚海干城之奇奠正邊局紓中央西顧之憂迭聽佳音無任歡忭肅  
電伸賀敬候勛安馬步芳叩府利秘機戍刪印

賀楊參謀長電

迪化西北行轅楊參謀長德勛勛鑒頃悉新膺簡命榮參戎機帷幄宣勒著  
奇勳於幕府韜素裕震威望於邊陲匪企之儀欣頌奚似電伸賀備敬候  
勛安馬步芳叩府利秘機戍刪印

賀趙副總司令錫光

迪化新疆警備總司令部趙副總司令錫光勛鑒頃悉榮膺特命協總戎機  
櫛沐宣勞爲天山之砥柱指揮如意作西域之福星迭聽雀傳無任忭電伸  
賀忱敬候勛安馬步芳叩府利秘機戍刪印

復蔣主席電

南京國民政府主席蔣鈞鑒頃奉文官處東電欣悉鈞履兼長行政榮國  
衡再造國家尤賢百僚之表率復興民族尤仰燕績之威照引企樞垣良殷  
忭頌肅伸賀忱祇候舉安職馬步芳叩府貞秘機寅烝印

楊德亮來電

副主任馬職奉任西北行轅參謀長適於亥銑到職才幹任重至深感悚敢  
祈時賜箴規俾免阻越竊職楊德亮矢馬印

復電

蘭州西北行轅楊參謀長德亮助鑒亥馬電奉悉備命新膺榮參戎幕建康  
勳於全隴播威望於巖疆迭聽佳音無任歡忭特電伸賀敬祈助安馬步芳  
叩府秘機亥印

賀蔣主席六秩壽辰函

主席鈞鑒謹肅者物職睽隔

慈願良殷依戀值此金風應序玉露圓秋恭逢

物產豐隆之民 普天同慶 億兆騰歡 誠維

威震瀛寰 莫山河於再造

德深覆幬 濟世界於大同 合中外以頌剛陵 與崑華以增壽考 題

輿囀欣忭 笑如青省 各界久荷

鴻施 感深慈愛 於省府西首 創建

中止堂一座 自今歲六月間 開工 刻全部工程業經告竣 計共建修房屋八

十餘間 一俟誕辰屆期 即當召集省垣軍政軍各界 敬詳祝賀 藉表傲忱

久托

仁併誦

培植木擬親自赴京恭叩

崇階用伸 謹款 祇以青 青 鐵路公路正在建期 興修原有各項工作 須

親為策劃 兼 西北工程師中會正在開會 期間尤須逐日照料 不克分身

特遣小兒繼代 代表赴都 參加盛典 敬敘愛戴之衷 聊敘謝忱 之

鈞處俯賜

訓誨

面示一切不勝感荷之至肅伸賀悃恭候

崇安

馮馬步芳謹肅

張主任治中來電

限三十分鐘到限即刻到馬副主任子香兄一戰區電本戰區馮副部隊經  
激戰後已於本晚已佔領延安奸匪敗潰主爲狼狽擄獲甚多等情特聞張  
治中寅皓未鼎印

復張主任電

蘭州西北行轅張主任文公鈞鑒寅皓未鼎電奉悉共匪盤踞延安歷十二  
戰破壞統一塗炭靈有生之倫靡不切齒今幸國軍大張撻伐掃穴犁庭  
復固有之疆圉拯人民於水火豐功偉烈誠祝奚如肅電奉賀祇候鈞安

馬步芳叩府貞秘機寅馬印

復張總裁電

上海中央銀行張總裁。公賜鑒滬央秘函奉悉特前榮膺總握行務發展經濟抒匡國之宏猷調整金融填財政之基礎迭聽佳訊欣忭莫名電伸賀忱敬候勛安馬步芳叩府貞秘機寅馬印

蘭州高一涵來電

馬主席子香兄勛鑒一涵前來西北瞬屆六年謬司監察幸接元儀諸承匡勳之情益覺推行之便紀綱整飭端賴合作精神政治清明尤見分功效牌每念賢勞曷勝感佩頃奉中央命令調任兩湖分袂在即不盡依依特電奉達用代踵辭並候勳綏弟高一涵 寅蒸秘叩

徐堪來函

子香若兄主席勛鑒 憲法告成 歲序更始，遠承藻詞，倍切腹臆，

近維

績懋疆圻

澤被民生，引領

雲天，莫名企仰，特函佈謝，敬頌

勛綏，並賀

年禧

弟徐堪拜啟

覆主計處徐處長函

可公處長賜鑒，正切殷念，忽奉

華函，雜誦之餘，無任欣感，即鑒

勛猷日懋

政祉春和，至以爲慰，值茲憲政開始，庶績咸熙，我

公贊襄中樞，

主持計政，權度支以裕國，劑盈虛以利民，引企

星暉，莫名欣頌。邊符黍稷，建樹毫無，尙乞

在遠不遺，時錫渠燧，是所企盼，專泐佈復，敬候  
勛安，

馬步芳敬啟

吳鉄城來函

子香主席吾兄勛鑒。亥儉電誦悉，此次國民大會，順利通過憲法，中外觀感一新，瞻望大局，殊可樂觀，彌足稱頌，總裁憂勤爲國，政躬康泰，對

兄倚畀止殷，尙希

任勞任怨，以固邊圉，是禱，耑復順頌

勛祺

弟 吳鉄誠啟

覆吳秘書長函

鉄公秘書長賜鑒，頃奉

希函，備荷

關注，欣感無任，即審

政躬篤祐，至以爲慰。此次國大召開，憲法完成，定國家百年之大計，慰四海人民之願望，皆由

總裁宵旰憂勤，精誠感召之所賜也，我

公贊襄中樞，爲國勞瘁，對芳愛護備至，期望尤殷，中心感戴，何日忘之，還乞

榮耀常頒，藉匡不逮，是所企禱。專肅佈復敬候

助安

馬步芳敬啟

上海中央銀行代電

馬主席步芳兄勛鑒，馬電敬悉。奉掌國府，深遠履艱，辱承藻賀，慙感交並，謹電復謝張嘉璈○三二五

復高一涵電

蘭州甘青甯監察使署轉，兩湖高監察使一公賜鑒，寅蒸秘電奉悉，夔膺簡命，風憲湖湘，逖聽佳音，莫名欣賀。我公年來澄清吏治，



整飭紀綱，尤對青事多賴助勤。正冀造福邊陲，長親寒燠，乃驪歌  
遽賦，殊覺依依。未能躬送行旌，尤增帳歎，以後仍乞垂念舊交，  
常賜指教。是禱電伸，買禮，敬候勛安，馬步芳叩府。貞秘機寅鹽印

謝永登各界函

少甫縣長勛鑒，遙隔

雲疆，自殷葭想，猥以孫男產生，過蒙

格外關懷

竊領厚貺，另賜銀盾壹座，並派仇秘書宋書記長等遠道來青，

懇懇致賀，具兒愛護之隆，期許之厚，拜領

請珍，莫名感謝，敬維

助聲壽著，

覆祉增綏，為頌無量芳韶華虛切，老境侵尋，妄冀緇武之期，聊慰  
食贈之樂，珠翠耀目，蓬華增光，惟矜龍之逾恆，益銜感於彌既，

肅伸謝悃，敬候

勛安，

馬步芳敬啟，

抄國防部白部長來電

西寧馬主席子香兄勛鑒，辰迴電敬悉，國防部之制置，關係國軍整建前途至大，弟以輕才，謏膺重寄，遠荷藻飾，慚感交深，尙冀時惠教言，藉匡不逮，特電復謝，並頌勛祺，京白崇禧午衷秘印

國防部白部長來函，

子香主席吾兄勛鑒，

手教誦悉，主座週甲，覽揆大慶，近曾奉諭，力戒鋪張，令屬來京，自當妥爲照拂也，特此奉復，即頌

勛祺，

弟白制崇禧拜啟

抄周總司令至柔來函

子香吾兄勛鑒，已養電敬悉，柔久役空軍，復膺新命，汲深綆短，

隕越時虞，辱荷

藻賀、感愧莫名，尙祈不遺在遠，

金玉時頒，藉匡不逮，專泐佈謝、順頌

助祺，

弟周至民敬啟

### 致國民大會電

南京國民大會賜鑒，頃悉貴會於昨日開幕，實彥聯聯，樹和平統一之基礎，國本奠定，建民主政治之宏規，憲法實施，民權伸展，億海同慶，億兆騰歡，謹率本省各機關各法團各民衆團體，一致擁護，敬致賀忱，祇頌公綏，青海省政府主席馬步芳叩府利秘機成威印

### 迪化劉任來電

省府轉呈副主任子香，職奉調來迪，諸務匆匆，未及報聞，至爲歉仄，以後仍乞訓誨特賜，俾便遵循爲禱。職劉任叩亥巧印，

復電

迪化西北行轅副參謀長致遠勳鑒，玄巧電奉悉，銜命馳征，爲國勞瘁，馳念良殷，敝部駐新，諸祈關照，治軍之暇，盼錫教言，爲荷，特復馬步芳叩府利秘機玄有印，

### 吳鼎昌來電

省政府茲經三月一日中央常務委員會第五十九次國防最高委員會第二百二十二次聯席會議決議（一）行政院院長宋子文辭職照准（二）行政院院長職務由國民政府主席蔣中正暫行兼理，除錄案轉陳並分電外特達查照，國民政府文官長吳鼎昌府文寅東印，

### 復閻主任楊副主任電

太原綏靖公署閻主任楊副主任賜鑒，卯東午堅銓二電奉悉，特命新膺，榮主綏靖戡平匪亂，固全晉之金湯，振救生靈，作太行之保障，悉聽佳訊，欣頌莫名，肅電奉賀，敬候助安，馬步芳叩府貞穆

辰東印

## 復青年支團樊幹事長電

綏遠三民主義青年團支團部樊幹事長勛鑒，函悉榮主團務，傾軋英賢，悉聽佳音，無任欣忭。專此伸賀，即候勛安馬步芳印府貞秘機  
辰東印

## 鄧春膏來電

青海省政府馬主席子香兄鈞鑒，春膏奉命繼任甘寧青監察使之職，陽日到蘭，齊日視事，材輕任重，深恐隕越，尙望不遺在遠，箴規時賜，以匡不逮，弟鄧春膏叩真印

## 復電

蘭州甘寧青監察使署鄧監察使澤民兄勛鑒，真電奉悉，簡命新膺，榮司風憲，繩愆糾謬，著直聲於諫垣，飭紀整綱，播仁澤於桑梓，悉聽佳訊，欣慰莫名，肅電伸賀，敬候勛安馬步芳印府貞秘機部  
印

抄馮國瑞來函

主席鈞鑒，前呈寸函，計達

垂督，久未奉

覆示，至爲馳念，瑞於政治生活久已淡漠視之，近來以讀書著書教書爲樂趣，以養親助弟教子爲責任。除二三知己外朋友往還，亦極稀少，十里店生活，由苦而漸安之矣，惟負擔太重，再有三五年，子弟教育，稍有成就，則自清省。前函已詳呈之，敢懇將由蘭辦事處所惠薪津

特予酌增以便兼顧生活之需外此更無他求，伏乞俯准電示爲感。肅敬頌

鈞安

馮國瑞 謹上

(一一)

主席鈞鑒，前呈寸牋，計蒙

垂察比維

政躬康吉，爲祝無量，職母老家貧，子孫繁多，負擔累重，頻年驟蒙

惠濟，得稍自足，惟上大學有二人，上中學有六人，上小學有八人之多，四弟國璘，今夏自渝歸里，明年可由中央大學畢業，而至今因旅費困難，尙未起行，職在政治方面，早無活動之念，此次來蘭住旬日，種種不便，因師範學院之約，仍應任教授，有宿舍可住，已上課二週矣，長女寔幸考入一年級，年已成長，尙未字人，亦大累也，職自去年鬚髮多白，頗有衰象，深感功名無望，人生一世，虛來可恥，只有發奮述作，在精神上作一寄託，聊以自娛而已，然仰事俯畜，責無旁貸，上報父母之恩，下填兒女之債，今日處境，不懇求

鈞座，再求何人耶，進城住辦事處，多承  
子哈處長之優遇，前數函均未蒙

覆示，故託漢章兄代呈，幸

垂督是禱 專肅卽頌

鈞安

敬 馮國瑞 謹上

抄張主任來函

子香吾兄大鑒，久疏音候，想

樂居清吉，為慰，關於青新公路之修建，兄出力至大，辛苦至多，弟深以未能多予協助為歉，騎五軍抵新已滿一年，一切均佳，對時局之穩定，地方之安寧，貢獻甚大，弟當特予照應，請釋念，茲乘馬軍長雲章返省之便，特託其代致問候，暇請

時惠嘉言俾資助益專此頌頌

助祺

弟張治中 十月五日



## 陶總司令來函

子香副主任鈞鑒

霓旌遠隔，葵向益殷。序入三秋，

興居曼福。式符企頌，新疆自進入和平階段，社會秩序漸趨安定，民選刻正接既定方針，次第實施。默察大局，似可和平相安，第是鞏固邊圉，維護治安，則盤根錯節，仍不免困難滋多。自願庸鷲，深懼才絀，不足以宏濟時艱，所幸樾蔭伊邇，敬祈

啟誨，多方。俾免隕越。早禱。雲章兄率部駐新。軍聲卓著，倚畀至殷，茲因其請假歸省之便，特託其代致敬意，並面報一切，端此敬頌。

鈞祺

職陶峙岳 敬上十月五日

抄俞部長來電

西寧馬主席子香先生勳鑒：一元復始，萬象更新，慶憲法之告成，仰勳猷之不媿。觀霓旌而欣舞，慰切來蘇。獻椒頌以延麻，情殷望歲，春運引睇，夏屋騰歌，教賀新釐，並頌春祉，俞鴻鈞東

抄上蔣主席電

南京國民政府主席蔣鈞鑒，履新肇始，歲序更新，鈞履敷澤惠於神州，震國威於寰宇，金甌無缺，玉燭調和，兆民有熙年之歡，四海呈康樂之象，廉賀年禧，誕備鈞安，馬步芳叩府貞秘機子東印

抄上中央各院長電

南京各院院長鈞鑒，履新肇始，春生黍谷，鍾恩波之廣被，卜景福之聯著，謹伸賀忱，恭祝年禧，馬步芳叩府貞秘機子東印

抄上中央各部會長電

南京各部會長鈞鑒 萬象回春，一肇始，仰庸功之慰介，卜首詐之延釐，敬伸賀忱，恭祝年禧，馬步芳叩府貞秘機子東印

抄上西北行轅正副主任電

蘭州郭主席寄公，陶副主任岷公 迪化張主任文公鑒，  
陽和應時，光華復旦，適瞻臘臘 定增康綏，肅仰賀忱恭祝年禧，  
馬步芳叩府貞秘機子東印

抄許委員長世英電

子香吾兄主席勛鑒，猥以新任，辱承錫賀，載披藻飾，媿感交繁，  
勉圖設施，祇懼艱鉅，特電奉復，敬頌勛綏，許世英叩江印

抄王部長雲五電

青海省政府馬主席勛鑒，府貞秘電誦悉，黍谷

回春，履端肇慶，歲序更新之日，正憲法公佈之時，瓊嶠中天，歡  
頌滄海，頌專之殊勳，膺中樞之重寄，身如兩匡，處處頌到春風

，化行草茅，人人沾仰惠澤。迭聽輿頌，豈只一語福星，遐金鑿成。庶推萬家生佛。因仁風之遠播，知國運之方興。喜偉績之不彰，卜憲政之驟利，花生雙旌，神馳萬里。引領實勞，倍深欽挹，每備賀忱。敬頌新禧，經濟部長王雲五秘子虔印。

致俞部長電

南京糧食部俞部長賜鑒。午馬人二電奉悉。特命新曆。榮總糧政，瀛民利國，展輪挽之鴻猷，興盈劑虛著籌量之偉績。迭聽佳訊。歡忭莫名。電申賀忱。敬候劬安。馬步芳叩府貞秘懷午敬印。

抄吳文官長鼎昌來函

青海省政府馬主席子香兄勛鑒，歲肇始，萬象更新，承承電賀。彌切感念。專復順頌新禧，吳鼎昌府文子佳印。

抄水處長 韓來電

青海省政府馬主席子香兄勛鑒，敬電敬悉。辱承獎飾、感愧交榮。

弟自忝任銓政以來，愧乏建樹，原擬曩國大開會之便，晉京述職，藉陳衰賢之意。嗣以大會延期，兼奉院令成立，期限迫促，未獲如願，祇好勉任其責。願綆短汲深，隕越堪虞，我公年來推進銓叙，不遺餘力，尙望對於試政鼎力匡助，并時錫教言，爲盼。特電敬謝，順頌，頌助綏，考試院甘肅青考銓處處長水梓叩審印。

抄陳司令長捷電

省府訓主任馬飭長捷奉命調任第八補給區司令，邇於六月十五日抵蘭到部視事，除別呈報外，

謹電鑒核備查，第八補給區司令陳長捷已錄副入漢類印致陳司令長捷電

蘭州第八補給區司令長捷兄助鑒 已錄電奉悉。竊命新膺榮司補政，精心學訓，幽澤有挾纊之歡。國賢勞，我行得挽輸之助。遙聞佳訊，欣忭莫名，特傳賀忱，敬候助安，馬步芳叩府貞秘機已皓叩

## 電賀董主席函

綏遠董主席其武勛鑒，頃奉大函欣審簡命新膺，榮主綏政，功高載定，著威聲於陰山，治著撫循，沛惠澤於邊徼，遙聽佳訊，歡忭莫名，電伸賀忱，敬候

助安，馬步芳叩府利秘機冬庚印

致南京衛生署金署長寶善電

南京衛生署金署長寶善勛鑒，秘子魚電奉悉，歲瑄倏更，陽和布令，遠承賜和，欣感無任，景福聯臻，幸以為祝，特此電復，敬候節安，馬步芳叩府貞機子銑印

南京國民政府主席蔣鈞鑒，共匪禍國殃民，天人共憤，近復勾結外力，實行顛覆民族，盜賣祖國之陰謀，致阻碍復員建國之遠略，而生靈塗炭，地方邱墟，國家前途，不堪設想，頃閱報載，鈞座為民族之生存，軍政之統一，毅然決然，頒佈總動之令，仰見載平匪亂

，鞏固國基，政府已具有最大決心，無任感奮，職世受國恩，委膺疆寄，除飭前方各部隊拚命戡剿，以彰撻伐外，謹率全省各族人民，一致擁護，肅電直陳，恭候鈞安，青海省政府主席馬步芳叩府貞秘機午真印

### 賀重慶行轅主任履新電

重慶行轅朱主任一公賜鑒，頃悉榮膺特命，主持渝轅，坐鎮雍容，播仁風於劍閣，指揮若定，震威望於邊陲，遙睇星輝，曷罄露祝，肅伸賀悃，敬候勛安，職馬步芳叩府貞秘機已籙印，

### 復吳文官長電

南京國民政府文官處吳文官長達公勛鑒，叩梗電祇悉，國府改組，庶政聿新，際會民良，復興華夏，悉聽佳訊，曷罄歡騰，肅履，敬候勛安，馬步芳叩府貞秘機卯寢印，

### 賀新疆麥主席電

迪化省政府麥主席，武公勛鑒頃悉簡命新膺，榮主新政，望隆西域，欣民治之實施，澤被天山，資邊陲之保障，引瞻福曜，歡忭莫名，電伸賀忱，敬候勛安，馬步芳叩府貞秘機辰世印，

### 馬指揮官鴻逵來電

馬主席步芳，蘭州行轅主任張，寅敬鼎二銘電以准國防部陳總長三十六寅寒暑欲樂代電，以核定西北行轅寧夏指揮所編制，並派鴻逵兼任指揮官，着即成立具報等因，鴻逵遵於卯東在寧夏吳忠鎮正式組織成立，並就任指揮官，兼職，除呈報並分行外，敬聞，寧吳馬鴻逵，叩卯虞參戰，

### 復電

吳忠堡馬兼指揮官雲公表叔鈞鑒，卯虞參戰電祇悉，新膺特命，榮兼指揮，掃蕩萑苻，作北門之鎖鑰，奠定邊徼，為西塞之長城，迭聽佳音，無任歡忭，肅電奉賀，祇候鈞安，侄馬步芳叩府貞秘機元



印，

### 復王副院長電

南京行政院副院長王鈞鑒，頃奉辰冬代電，欣審榮膺選任，佐襄中樞，德澤遐宣，慰人民之願望，勳猷丕懋，抒匡國之靈籙，引企仁輝，曷勝軒鼓，肅電伸賀，祇候鈞安，職馬步芳叩府貞秘機辰蒸印

### 張院長翠來電

馬主席子香兄，省黨部馬主任委員子香兄，並轉各同志，群猥承大命，繼任行政院院長，感時局之多難，勵行憲之在邇，自維材幹，祇懼弗勝，惟有仰秉元首之睿謨，並諗良友之匡迪，勉竭心力，仰宣濟於艱難，吾兄宏謨遠略，夙所欽遲，憂國之殷，尤深感佩，當此時艱任重，尙加指示，共策進行，期收內外相維之效，大局利賴，匪獨群一人秉辛而已，敬布備忱，惟希亮譽。弟張群叩叩敬印

### 復電

南京行政院院長張鈞鑒，叩敬電祇悉，榮膺選任，輔翼中樞，望重功高，作僚采之樞樞，化施政舉，爲黨國之干城，引企鈞暉，無任忭頌，肅電伸賀，敬候鈞安，職馬步芳叩府貞秘機辰東印，

復馬副主任鴻賓電

寧夏馬副主任寅公表叔賜鑒，頃悉榮膺特命，輔翼行轅，協理戎機，震威聲於邊徼，肅清匪患，作塞上之長城，迭聽佳音，曷勝歡忭，肅電伸賀，敬候勛安，侄馬步芳叩府貞秘機辰東印，

致國府 文官長吳達銓 局長 吳達銓 長 函

達公文官長 濟時局長 賜鑒遙睽

渠燧，殊切依瞻，比維

履祉康綏，

勛華炳耀，爲頌無量，致敬懇者，本月三十一日日恭達

主塵穢降之辰，溥海騰歡，兆民咸慶

本擬親自赴都，敬謹祝賀，祇以此間政務殷繁，不克分身，特遣小兒繼援代表前來參加慶典，已囑於抵京時，晉謁

座右，恭候

興居，祈我

公諸凡照拂，

指示一切，是所拜禱，專泐佈臆，敬候

勛安

馬步芳 敬啟

致郭主席寄囑函

寄公主席賜鑒遙聯

光霄，至切依馳，頃悉

簡命榮膺，主持甘政雀音入耳，隴林傾心，即維

偉績昭宣，久贊中興之盛業，

仁風遠被，欣溥德政於邊陲，引企

新猷。無任祝頌甘青壤地相接，此後各項行政設施，借鏡之處正多  
本擬親赴蘭垣，藉聆

策訓，祇以職守攸羈，政務殷繁，不克分身，恨歎無已，茲遣 小兒  
繼援代表前來，專誠晉見，聊伸歡迎之忱，備乞表

公俯賜訓誨

指示一切，是所感盼，專肅佈臆敬候

陳安

馬步芳 敬啟

西寧中國工程師學會第十四屆年會西北區分會公鑒，

頃悉貴會於馬日在青開幕，昌明學術，集英彥於一堂，建設國防，  
迥福利於百祀，樹富強之基礎，中樞攸賴，邊徼增光，引企風猷，  
良殷忝頌，肅電伸賀，敬候

勛安馬步芳叩府利秘機印

西寧中國工程師學會第十四屆年會西北區分會公鑒，頃悉

貴會於馬日在青開幕，羣賢備至，鴻圖肇庥，值此勝利甫臨，建國開始，期各項工業之發展，立華夏富強之根基，企仰星輝無任歡欣，肅電伸賀敬候

勛安青海省政府秘書處秘書長馬 顯暨全體職員叩秘機印

新疆省政府麥主席賜鑒，已文秘電奉悉，寵命榮膺。主持新政，功高瀚海，紓中央西顧之憂，望重天山，作塞上城之倚，悉聽佳訊，歌頌真名，電伸賀忱，敬候勛安，馬步芳叩府貞秘機已籤印

孫汝楠來函

香公主席賜鑒，音嘯鳳律，氣轉鴻鈞，蘆象回春，三羊開泰，恭維  
履端肇慶，首祚迎祥，曼弗駢臻，借一元而復始，陽和送抱，總百度以維新，翹企  
吉暉莫名竹祝，先承賜柬，敬誌謝忱，肅此祇頌  
春禧

癸晚 孫汝楠 啟上

抄趙錫光來函

香公主席賜鑒，睽違已久，止切翹企，日前雲章軍長過蘭，交讀手  
示，辱承惠注，彌見

謙光 敬諭

政履綏和

勳祺篤祐，式符私頌，光自南疆歸後，近况如恒，惟久於其職，建樹愧乏，思之不免慚慙耳，尙祈架教頻頒，俾資遵循，是所祈禱，專此敬復，並叩勳安，

趙錫光 敬啟

劉繩非來函

香公主席鈞鑒，久仰

德威，彌殷欽慕，識

荆願切，御李情殷，恭維

望重青塘，

恩遇紫塞，引詹

霜節、曷嘗露書竊繩非湘南下士，佐政隴圻，此次謬膺民社，密選  
珂鄉，欣依

細柳之防，幸蒙

餘福之蔭，私衷榮感，匪可言宣，只以任重材輕，朝乾夕惕，尚乞  
賜頌訓誨，俾有遵循，薰沐輸誠，無任拜禱，敬請  
鈞安

董寄虛來函

香公主席賜鑒，蕭關咽

教，瞬經三秋，每懷

斗範情殷，葵向辰維

鼎鼐延盤，

鈞楸耕祐，輔世長民，九邊顧千城之寄，鴻籌碩劃，西北措磐石之

劉繩非 謹啟



雲，遙企

鈞衡，莫名祝露 寄虛樗櫟懷慚，承乏

珂鄉，鑑古人戒慎恐懼之心 常朝乾夕惕，遵朱公安定求進之訓，

安貧禮富，厲精圖治 愧才力之弗逮，舉直措枉，誠意志之所趨，

惟祈

尊台不遺在遠，時

惠箴規，竊以遵循，謹肅願

崇獻

楊良來函

香公賜鑒，國憲告成，春節適屆，天人共慶，景物咸新，恭維

收敬三陽，同堯天之日麗

德增五福，被禹甸以風和

董寄虛 上

履祉隨國運俱隆，

功業與歲序並懋，引領

崇階，無任欣幸，謹肅申賀，並叩

年禧

楊良謹上

孫汝南來函

香公主席賜鑒，前肅寸稟，諒蒙

垂譽，值茲一元復始，百度維新之際，遙維

宏猷彪炳

景福駢蕃，翹首

鈴轅傾心帷幄，茲有西北師範學院主任，郭俊卿先生，前來觀光，

藉聆

訓誨，用敢肅函奉介敬祈

賜予指導關照爲感，肅此恭頌  
鈞安，

鄉晚 孫汝南 敬肅

劉詠堯來函

子香主席先生動右，于從西寧，獲承

鑒教，至感寵榮，飢聞

善政仁風，尤深敬佩，諸蒙優禮有如，關拂周切，銘篆莫名，別後  
於二月二十二日由蘭抵京，航程叨吉，足慰

塵懷，政暇仍乞

箴言時錫，俾資卓佩，爲禱專泐謝並頌

勳綏，

劉詠堯 敬啟

宋恪來函

香公主席勳鑒，頃奉

瑤箋，並辱

厚貺，仰荷

隆情，至為感謝，上次騎八師過蘭，諸多簡慢，迺承

齒芬，殊深愧慙，格猥以葬材，謬長甘教，兢惕彌增，隕越時虞，  
肅乞

柯則時錫，以匡不逮，是所至盼，崑齋佈復，祗頌

×勛

宋 恪 敬覆

### 李松喬來函

香公主席鈞鑒 松喬供職西北稅務，仰蒙

誨導，免滋隕越，感奮時殷，茲以交通漸暢，擬回東北原籍省親，  
業經呈准辭職，新任趙局長廣茂，日內抵蘭，定於九月一日交接，  
得卸繁鉅，欣逢初夏，惟候隔

仁暉，瞻依彌切，專肅具陳，臨穎神馳，敬頌

鈞安，諸維

垂察

抄水處長來函

子香吾兄主席勛鑒，頃奉

專函，並

頒珍貺，

隆情厚誼，銘感曷勝，近維

助猷日懋，

景福雲集，為頌，騎八師載譽凱旋，家鄉父老，莫不引以為榮，弟

略盡東道，分自應爾，乃荷

齒及，反覺不安，蓋以對於各個士兵未能普遍招待耳，近日蘭垣陰

李松喬 謹肅

雨連綿又盼天氣轉晴，未知海疆何如，專此敬謝，並頌  
勛祺

弟本 梓 敬啟

永登余縣長來函

香公主席鈞鑒，拜奉

鈞諭，如親 渠訓，敬維

政躬康泰，動定綏和，定符下頌。此次騎八師凱旋，本縣對於歡迎  
各項，諸多簡省，未能稍盡地主之誼，自覺愧然。辱荷

垂青，並蒙致謝，彌增歉咎，惟祈不棄庸愚，時頒 箴訓，以資遵  
守，謹函奉復，肅叩

鈞安，

職晚 余仲篔 謹呈

郭柏來函

香公主席勛鑒，月初來青，觀光浴佛節，既叨

盛饌，復被

仁字，雲情高說，感何可言，且幸得親

政治之修明，建設之宏遠，深佩

豐功偉業，造福地方，如我

公者真中樞之長城，西北之屏障。柏托

鹿安返蘭垣後，適值本部奉令縮編，瑣事紛繁，昕夕勞碌，以故奉候稽遲，尙祈

鑒宥是幸，鴻鱗有便，仍望

鑒銘時錫，用作圭臬，尤所盼禱，崑鳴謝悃敬頌

動綏，

郭 柏 敬上

張主任來函

子香吾兄大鑒，六月二十三

惠書，奉悉。青新公路爲西北國防上要道，該路天然環境特殊，氣候不常，工程進行自較困難，然以吾

兄督策有方，仍能按照預定計劃進展，想見

賢勞，益增欽遲，奉起張公亮同志過蘭，當予延晤。請鑒念，特覆

並頌

勛，

弟 張治中

趙錫光來函

香公副主任鑒，錫光奉中西北政工，將屆四載，夙叨

栽培，得竟愆尤，比者奉調入新服務，邊事叢脞，深懼弗勝，惟乞訓誨時頒，庶知有改遷循，無任企禱，專肅叩辭，並頌

勛

趙錫光 謹上



## 國防部郭參謀次長寄囑來函

子香吾兄勳鑒。青穆午寒電及六月二十三日囑均已敬悉。華副處長等亦已晤面。青新公路路線綿長工程浩大，而能於人力物力及天候地勢種種困難之中，加緊興修。此種堅苦卓絕之精神，至爲敬佩。將來此路完成，非徒青新交通得以溝通，其有裨於國防民生尤非淺鮮也。至華副處長在京一切，已正協助。知注敬聞，並祈釋念。專此奉復，祇頌  
 勳祺

郭寄囑 敬啟

## 烏靜彬來函

竊彬一介女流，遭逢盛時，追隨當代名流，爲國家社會效力，才疎學淺，愧無絲毫供獻。未免徒呼負負耳。春間奉召從事參政會議，邊塞小草移植深林大澤，眼界一開，不禁望洋興嘆而已，獲

謁

崇階 生平榮幸 復荷

大君子不遺在遠 所以

接納而款待之者 既優且渥 飽德銘心 永矢不忘 惠假尊款 容

另璧還 事畢湔返 烏項奉委權和靖縣政 此本做部轄屬地 主持

新政者 庶可整理 匪部 倘能按預定計劃 次第達成 或於邊局不

無少裨 尙冀

訓誨時錫 俾獲遵循 藉免隕越 無任馨香禱祝之至 崑肅伸謝恭

叩

鈞安

烏靜彬 鞠躬

吳委員來函

子蒼王席吾兄勛右 接展

惠函 欣如良覲 令嗣少香將軍來京 並已暢晤 至爲欣慰 藉誌吾

兄政績賈勞

履候嘉勝，深引佩頌也。拙擬粗適無恙。遠荷錦注，堪以報慰。

耳。揣復順頌。

助

弟 吳忠信敬啟

蔡孟堅來函

香公主席賜鑒，趙俊義君抵贛，得奉大教，敬謹我

公積極增強西北國防建設情形，仰企盡籌，傾慕曷已。此間救濟工

作，備極難鉅，敬恭梓桑，亦祇有勉盡棉薄，茲者郭子疇先生新主

甘政，與我

公密邇鄰封，兩賢相得，洵是稱西北屏藩，實深慶幸。專此奉復，

祇頌

崇祺

晚 蔡孟堅 拜啟

沈國成來函

于香總司令先生賜鑒 頃奉

大示，藉鑒

政躬康泰，勛猷丕著，毋任欣頌。此次何處長全信等回部，既感招待之殷，復傳軍容之盛，聞之益增嚮往之心，

公餘有暇，尙祈多賜

清誨，俾資遵循，是所企禱，專肅謹請

消安

晚沈國成 謹啟

陶峙岳來函

子香主席先生勳鑒 久不通候，思與時積，秋高氣爽，萬里塵清，遙企

旗麾，曷勝企景。馬軍長雲章兄自率部入新，軍紀與情翁服，具徵。

執事領事有方，薰陶致果，弟承乏金疆警備，深資臂助，特致佩  
敬頌

政頌

弟陶峙岳

覆郭主席函

寄公主席賜鑒，遠睽

塵教，至切依馳，頃奉

惠函，藉悉

福履春和，

勛勞懋著，爲欣爲頌，現值憲法頒佈，庶政維新，我公本革命之精  
神，躋邊疆於邦治，此次召開行政會議，不辭艱苦，親臨各區，以  
實地之考察，定施政之方針，行見來暮興歌，徯蘇成頌，欽佩奚如  
，甘青壤地連綿，風氣於接，以後推進各項政務，深有利於我  
公之遵照指導，務乞

片錫果燻，俾資進循，無任企禱，專肅佈臆，敬候  
勛安

弟馬步芳 敬啟

趙守鈺來函

子香吾兄主席勛鑒，久疏音敬，結念備殷，即維

政祺協豐，

履祉聿和，翹企

喬輝，愉頌莫名前承

惠建新房一幢，輪奐式美，戢感無似。近聞

製傢俱沙發裝置電

燈，

廣廈宏庇，益受

多賜，承乏河務，條將四載，任重學庸，每懼弗勝，擬於堵復工程  
告一段落，當即設法引退，如能體准，則勝地寓居，夙願可償也，

備此佈謝，順頌

勛綏維

譽不備

趙守鈺 拜啟

覆黃河水利委員會趙多員長函

友公委員長賜鑒遙隔

星輝，良殷依念，頃奉

環函，並承

惠贈黃河堵口各照片，至深感謝，即審

勛華炳日，

履綦康綏，為頌為慰。願年黃河泛溢，為患甚鉅，多賴

我公精心規劃，竭力搶修，沿河居民造福無量，欣佩奚如。青省各

事 多蒙

鑒道關注，久深銘感，所建

新第，早經落成，刻購製器俱，不過略抒微忱，遠荷  
齒及，尤覺慙顏，

中央倚畀方隆，想一時未易退休，以

公愛國赤衷，精神矍鑠，尙難遽蒙退志也，如今歲能來青一遊，以  
展闊懷，實爲企盼，專此佈臆敬候

動安

盧也白來函

馬步芳 敬啟

香公主席鈞鑒

朵雲賜頌，快同面聆

教誨，月白風清，每切神馳左右，吾

公威德隆望，坐鎮西北，屏障中央，功在黨國，福在人民，爲職生  
所崇仰，惟關山遙隔，未獲侍從，聆



訓左右爲恨，月前小奉微物，聊表千里鷄毛之敬，奉示言謝，益增慚愧，公子少香師長生相其貴，在申時晚生曾爲評看，並書贈一小箋，諒呈

鈞鑒矣，晚生自北徙後抵滬，抗戰時奔走西南西北諸省，京滬友好較多，若有委辦，當供驅策，專此肅復敬叩  
崇安，

晚生 盧也白 立正謹呈

覆上海盧也白先生函

也白先生道鑒，遙隔

芝嶺，殊殷馳慕，頃奉

惠函，藉悉種切，即答

起居暢適，至以爲慰，前承與小兒觀相評箋，良深感謝，先生學宗淳風，譽騰瀛濱，惟獎飾逾分，感愧交榮，此間軍民相融，轄境平

體，堪以遠紓

錦注耳，有暇希

常賜教言，藉匡不逮，爲盼手覆即候

道安

馬步芳 敬啟

致孫院長函

哲公院長賜鑒，久隔

樽暉，至殷葵向祇維

段

推行憲法，發揮民治之精神，

績佐中興，允資法權之保障，引瞻

福曜，欣頌莫名，職久托

仁幷，愧乏報稱，幸此間軍民融洽，轄境×安，堪以仰紓

屢注耳，茲以趙委員德玉赴都之便，囑於晉見時，代候

福履，藉伸

誠款，尙懇

時加訓誨，俾資遵循，是所感禱，專肅蕪函，敬候

鈞安，

馬步芳 敬啟

抄劉委員長維熾來函

子香先生委員勛席，瞻慕

音儀，每縈寤想，比維

履候康和，為頌無既，敬陳者弟謬以非材，過蒙

獎藉，興言僑政，實保冰淵，尤以夙竭頤庸，奉行主義，幸叨

存注，備荷

隆情，循率有年，時深感佩第就目前政策而論，方植多黨訓政之初

基，固有和衷共濟之必要，願念邦家締造，備歷艱虞，吾黨責任，視前尤重，將何以遠揚往烈，辰告觀成，自非請益談筵，無以奉為

圭臬，用敢潔誠密啟，至希勳賞嘉猷，嚮住  
雲天，可勝企禱，專者祇頌  
勳綏

覆

總公委員長賜鑒。遙睽  
炬燧，馳慕良殷，頃奉  
惠函備承

關注，欣感無任，即審

柱礎綏和，

勳猷炳蔚，至以為慰，吾國自勝利以後，開始建設，而其根本問題，則在全國人民均有共信互信之精神，我  
公年來為國宣勤，開揚主義，能使

弟劉維熾 拜啟

總理遺教普被瀛寰，熱誠毅力，欽服無已，乃  
謙冲爲懷，學承下問，尤深自愧類，昔久戎馬陣  
時錫南針，俾資韋佩，是所切盼，專泐佈臆，敬候  
助安

馬步芳 敬啟

覆八二師連排以下官兵通函

台鑒，自別

英姿，瞬經月餘，馳念之懷，無時或釋，頃展

華函，備承

關注，感德良深，此次我軍奉命東征，經過各縣，備受各界熱烈迎  
送，足見紀律甚好，精神奮發，故能獲得民衆之愛戴，無任榮幸，  
及抵平涼之後，濫剿匪巢，連戰皆捷，而我方損失毫無，凡此輝煌  
戰果，皆我全體官兵忠勤愛國，効國疆場之所致，此不僅清剿隴東

之匪患 實係西北之幸福，尙希一本初衷，益加策勵，則為國家所倚重，為團體增光榮，為人民所愛護，即個人前途亦有無限之希望矣，惟台端遠從征役，備極辛勞，每一念及，職系無己，務盼諸凡珍攝，以備慰懸念，為盼專此佈復，順候  
戎綏，

馬步芳 手復

師長參謀長  
旅長團長

台鑒 流別以來，瞬更月瑄，隴雲湟水，企念為勞，頃轉

高參抵寧，接到

惠函，備承

關注，其愛護團體，效忠國家之熱忱，溢於言表，良深欣感，就審起居豐適，至以為慰，我軍此次奉命東征，經過各縣，均受當地人民之愛戴，歡迎慰勞，有加無已，此皆各將士堅苦耐勞，願惜名譽

之結晶，舉凡故鄉父老子弟，聞之莫不踴躍歡欣，抵平之後，連克巨鎮，捷報頻聞，能使悍匪不至鴟張，地方不至糜爛，而屢次戰役，我軍均無傷亡，尤見

台端等計劃之周密，軍容之整肅，殊堪嘉尚，至公提公買不住民房，而聯絡感情，撫綏地方，深得人民之心，凡此種種，實為清剿匪患之根本辦法，尤望本此初衷益加

努力，則不至青海之光榮，實西北之幸福也，惟

台端等遠道跋涉，為國辛苦，每一念及，輒增溯洄耳，本省今春苦旱，近得甘霖數次，秋收有望，轄境平穩，賤軀康強，祈釋錦注，專復順候  
捷安，

郭福金來函

馬步芳 手啟

香公主席賜鑒，月前

尊部灌蘭得晤

詰嗣，雍容有度，謙抑爲懷，此間各界無不盛讚我

公家學之有繼，

祖德之綿長，明德後達，其理昭然，至士馬之精壯，紀律之嚴明，  
每睹

軍容，無不稱譽，行見

先聲奪人，膚功克奏，

功在國家，固不獨

光增隴上也，福金隸籍化平，叨被

福蔭，敢代鄉人之誼，略表傾欣之忱，辱承

大函遠島，尤增慚愧，福金年已八旬，在家居住二年，每欲退休，  
惟以環境關係，又復出任議曹，疏候與居，實深抱歉，每憶



通家之好，敬佈感念之懷，尙冀

教益時頌，藉資遵循，是所盼禱，肅復敬頌

崇祺，

郭福金 謹肅

謹再肅者，金略知醫理，時需珍藥修合，以資攝養，夙年曾蒙令先  
公昆玉，惠以藥餌，近年久已用罄，而在蘭市更乏佳品，且其價昂  
貴，洵非衰貧如金者所任力購，敢乞

推念夙誼，酌賜鹿茸數兩，麝香一丸，以備服用，不情之處，統祈  
鈞宥，尤所叩禱，福金謹再肅，

### 復郭福金函

南浦老先生賜鑒，久違

塵教，至切系馳，頃奉

惠函，聆悉一是，即審

潭祺履祉，並增邇適，爲慰，前次小兒繼援，醫隊赴平，過蘭時諸

承各界熱烈歡迎，慚感良深，乃荷

先生遠道關垂，獎勉逾恆，具見期許之厚，愛護之殷，感激奚似，承示需用藥品，以資攝養，自應遵辦，茲寄上鹿茸壹架，麝香四枚，莖莖之儀聊以將意，至祈  
晒收，為盼，專此奉覆敬候

勛安，

馬步芳 敬啟

行政院張院長羣來函

子香吾兄勛鑒，不猥蒙

選任，負責行政，際時局之多艱，念行憲之在邇，自維材力，祇懼弗勝，惟有在

總裁領導暨

先進同志督勵之下，竭盡心力，求本黨政綱政策及三中全會決議之實現，以宏濟於艱難，現雖各黨派參加政府，而本黨責任尤極重大

，所當併力一致，克竟全功，夙承

愛護，惟冀

隨時指示，

鼎力匡持，至所感禱，茲因就職伊始，未克趨承

教益，謹布悃忱，尙希

亮督，敬頌

時綏

弟張羣 拜啟

致馬師長少香函

少香師長賜鑒奉別

旌節，月瑄倏更，依戀之懷，與時俱積，抵維

助，彪炳，履祉康綏，公頌無量，此次

台端率隊東征，濟剿共匪，調戈所至，壺漿載途，人民望若雲霓，

國家倚若柱石，豐功偉勳，耀耀人寰，屢聞捷音，歡欣無已，自整

克鎮克復後，節節勝利，已寒敵胆，此次共匪頃刻來犯，合水我軍，殺敵致果，保障隴東，使共匪盤踞十餘年之據點，犁庭掃穴，一聚殲滅，此皆台端多年來忠勇爲國，惠愛人民之所賜，迭聽佳訊慶幸奚爲，特公推韓委員玉山，馳赴前方，藉伸慰勞之忱，專肅燕函祇候  
勛安，

青海省政府委員 謹啟

致張部長函

顧公部長賜鑒，久違

塵教，至切心儀，頃周督導之鳴抵青，蒙

惠賜被面衣料等物，登受之餘，莫名感謝即審

助華不懋，

履祉春和，至以為慰，本省警政維年來積極推進，尙未能達成預定之目標，此次

貴部派員指導，以後一切進行事宜，均有遵循之途徑，良深感佩，周督導人極誠懇，接談三次，極爲投契，惟欸待未週，忽忽賦別，張歎奚如，茲以返京之便，專肅蕪箋，並鳴謝悃敬候  
勳安，

馬步芳 敬啟

抄程知恥來函

香公主席勳鑒，此次于役西寧，獲親

警款，藉聆

聖教曷勝欣幸，迺辱承

招待殷殷，復蒙

錫以盛饌，雲情厚誼，無任感荷，拜別東返，平安抵蘭請紆履注，  
尚祈

箴言時頒，藉作圭臬，是所至禱，措肅敬謝，順頌  
崇綏，

覆山西白益哉先生函

益哉先生道鑒，久企

英聲，殊殷嚮慕，頃奉

平翰，並附中國回教史目錄一份，展誦之餘，至彌欽感，即維

程知恥 拜啟

勛華丕著，

履祉增設，爲頌無量，承

示出印尊著，宜揚教義各節，具見尊重正道，昭示來茲，無任欣佩，茲附上題詞一紙，聊副

鵝囑，尙祈

鑒核，爲荷，專此佈覆，順候

道安，

馬步芳 敬啟

張知行來函

香公主席賜鑒，青海觀光，快接

雄風，並承教益，

隆情稠疊，優遇有加，返蘭之初，當經電呈謝悃，諒達

鈞座，茲者復由謝委員賚到

鈞賜多珍，益增慚感，當即分配職部處科長等平均食用，使知

鈞座厚惠，周沐

隆施，謹致謝悃，諸維

惠眷，再職部有人常川往滬辦理軍用

運輸，

鈞座如有所需，

示知，當即遵辦，肅肅布禮，並請

鈞安，

### 甘肅張維來函

子香先生勛鑒，去歲仲冬，猥以家父七十人壽生辰承省內外諸君子，發起徵文，隆情厚意，至不意當，乃蒙惠賜佳章，頓使壽域增輝，謹以珍重保存，永作紀念，每懷瓊瑤之賜，不勝感紐之忱，專函鳴謝，順珍勛祺，張維謹啟三月二十日

張知行 謹上



高桂滋趙壽山來函

子香主席兄勛鑒，前展五月一日

環復敬誌

慨捐秦光小學國幣壹拾萬元，具見熱心國民教育，

關懷西北建設，引企

高風，莫名感佩，茲除一俟該款收到，即為照轉外，謹先申謝匪類

政綏

高桂滋

謹啟

趙壽山

陸錫光來函

香公主席勛右

輝久隔，葵傾時服，勉企

鴻猷。母任鋪棻，日前驩八師凱旋歸來，功在黨國，聊用慰勞，藉示崇敬正，慚款接未周敢勞。

手書言謝，芻飯不忘，既仰謙虛之度，

錦繪遙頌，尤荷縞紵之情，拜領

厚貺，愧無瓊報，唯當珍惜冀酬

雅惠。錫光才錦任重，隕越堪虞，尙祈時錫南針，俾匪不逮，耑掬伸

謝，並頌

斯祺

陸錫光 拜啟

孫汝楠來函

香公主席鈞鑒，前次

旌節蒞蘭，得仰

丰采，敬聆

高論，敢迪蓬衷，日者馬參謀長來蘭，捧讀

手教，藉謹

勛猷夏大，

竊履時隆，引領

擇輝，傾心葵向，並蒙不棄

俯頒珍品，筮協百朋之錫，龍逾峭綺之遺，拜

嘉之餘，無任感謝，騎八師全體官兵，轉戰前防，浴血八載，殺敵  
致果。遠瞻威稜，其勇略偉績直爲西北史乘上放一異采，此次奏凱  
西旋，道經蘭境，市民之熱烈歡迎，出自誠衷，兼亦地主之誼，反  
勞

齒及，徒增慚愧耳，補勞薪依舊，無狀可陳，每懷事責之繁，時切  
淵冰之懼，肅祈

時錫箴銘，俾得遵循有自，是所欣禱，專此肅復，敬請

鈞安，

孫汝楠 敬肅

張開選來函

香公主席勦鑒，久仰

雄旌，時深葵傾，展誦

瓊翰辱承遠道

綺注，並蒙

原貺，雲山遙矚，曷勝感紐，我

公麟符懷遠，才裕綏邊，此次騎八師凱旋榮歸，所經軍紀嚴明，地

方安謐，是以盛譽四

播，謳頌遍聞，以國家干誠之師，屏藩西北，想定能展奇韜於邊

，垂殊勳於史乘也，弟服務桑梓，毫無建樹，尙祈

教言時頌，匡我不逮，端此佈謝，並頌

附錄

弟張開選 敬上

王錫明來函

晉公主席鈞鑒：遠道

教益，時切馳思，恭維

政躬綏和，爲無量頌，駑人鄙効忠黨國，戰譽國內，此次凱旋過蘭，願擬發動擴大慰勞，用申地主之誼，迺以時間倉卒，未償初衷，深以爲憾，頃奉

策訓，言簡，益增汗顏，辱承

厚賜，受之有愧，特書致謝，並祈

教言時頒，俾資遵循，爲禱，肅此敬復，順頌

鈞安，

寒晚王錫明 謹上

## 沈 圻 東 瀾

子香主席吾兄勛鑒，昨日自首都返蘭，奉讀六月八日

瑞章，教悉一一，就管

勛華炳蔚，

政履亨綏，式符體頌，抗戰軍興後，

貴軍騎八師，屏幃中原，迭殲頑敵陝甘人民得以安居樂業者，胥出其錫此次凱旋歸來，衆德報功，理應熱烈歡迎，用伸敬意，第倉卒籌備，方慚草率不恭，乃蒙賜書言謝，並叨

嘉貺，

情固勝於鮮綳，感尤逾於挾纊矣，謹領拜登，媿謝媿謝，時方盛暑，諸維

珍攝，千萬，專復敬頌

政綏，

馬繼周來函

沈 圻 拜啟

香公主席賜鑒，睽違

鴻晦，時切馳系，此次馬參謀長來蘭晤談，敬謹

政躬綏和，澤涵芸庶，忭慰奚似，辱

惠珍品，感謝莫名，周自愧庸才，建樹毫無，尙懇我公蒞臨時頒

俾免隕越，肅此敬頌

勳安，

馬繼周 謹上

沙光輝來函

香公主席賜鑒，六月十一日

教賜奉悉，騎八師此次過蘭，招待不周乃承齒及，並錫厚貺，既感且愧，敢不遵

命拜登，維祝

政祺康泰，

德業日隆，藉符永忱，肅函謹謝敬請

崇安，

覆趙校長函

正卿校長賜鑒，遙違

杖履，良切溯洄，頃辛主任昌明抵青，辱蒙

惠賜淳化閣帖，楊工精巧，洵屬珍品，謹領

厚貺，感謝無任，敬維

福履康和，

助猷煥曜，為頌無量，頃年以來，甘肅教育蒸蒸日上，而一般英年，均有求學之機會，皆我

沙光輝 謹肅



公倡導之力，近聞

貴校設備完善，教導有方，造福桑梓，欽仰莫名，

辛主任遠道來此，備承

關懷，惟招待簡慢，深爲歉然，幸以返蘭之便，專肅燕箋，藉伸賀忱，敬候

動安，

晚馬步芳 謹啟

抄志果中學校趙校長元貞來函

香公主席鈞鑒，湟中拜別，時慕

崇轅，前奉

示函，獎飭逾恒捧讀之餘，感愧交加，實維

儲乎西陲，海不揚波，爲頌爲慰，敬肅者，

鈞座賜捐良木構築教室之善，傳至蘭州，而後志果中學，全體員生

，靡不感銘肺腑，五體投地，用是恭製錦旗一面，略表謝忱，公推  
教務主任辛昌明君專誠致獻，伏祈

哂納，並

面示一切，虔頌

勳祺，諸維

垂鑒，

覆趙校長元貞函

正卿校長道鑒，遙睽

光霽，至切系馳，頃辛主任昌明抵青，接奉

瑤函，並蒙

惠贈錦旗，及諸珍品拜領之餘，莫名感謝，即密

聲華不懋，

履趾綏和，至以愛慰

趙元貞 肅啟

貴校開辦以來，作育英才，譽勝隴上，且賴

先生之啟迪懇誠，循循善誘，教務推進，人材輩出每念

賢勞，輒深向往，從前略助木料，稍盡景仰前賢之微忱，乃勞

貴校生徒備極關注

雲情高阻，感新交並，辛主任不憚跋涉，遠道來此，惟款待未周，  
歉仄無已，茲以返蘭在即，特肅燕函，藉抒謝悃敬候  
道安，

馬步芳 敬啟

郭主席寄嶠來函

子香香兄勛鑒，謝委員慈舟兄來蘭，轉奉

惠示，並荷

厚貺，

隆情稠疊感謝莫名

兄坐鎮海疆，

德威遐敷，愛國利賴，久切欽遲，值歲序之更新，想勳華之益懋，  
覆甘兩月，待理百端，月前分赴各區，召開行政會議，深入民間，  
備知疾苦，亟謀合理之解除，難期績效之多寡，素謔吾  
兄桑梓關懷，公餘尙望

明教，時頌，匡我不逮至所感欣，專此復謝順頌  
勛祉，

陳 郭奇峻 拜啟

覆郭主席函

寄公主席賜鑒，正切殷念，忽奉

華函，盥誦迴環，莫名欣感，前以微物將意，實不足表達闔懷，乃  
承

齒謝，尤覺慙顏，月前

尊駕親赴各區，召開行政會議，深入民間，勤求隱痛，而冰天雪地，艱苦不辭，其勵精圖治之毅力，惠愛人民之苦衷，遠道聞之，良深感贊，引見

仁澤廣被，弊絕風清，不止為隴上之福星，亦作鄰圻之獲燧，遙瞻

德曜忭慰奚如，尚乞

在遠不遺，

常賜指教，是所切禱，專肅佈臆，敬候

勛安，

馬步芳 敬啟

抄水處長梓來函

子香我兄主席勛鑒，奉三月十六日

大函，敬悉為隴右公學

慨助基金一千萬元，

嘉惠三隴教育，解決一時困難，董事會全體暨中小學數百青年學生，莫不感戴。

大德於無涯矣，最近由此間四明銀行先收到伍百萬元，其餘半數想日內即可滙收，特此鳴謝，順頌

春祺，諸惟

靄照，不宜，

弟水梓謹啟

抄水處長梓來函

子香主席助鑒，近奉

惠函，敬悉種切，此次隴右公學以經費拮據，維持艱困，曾董事會據實懇求

贊助，辱荷

關垂，概捐國幣一千萬元，不僅紓救會當前之困難，實嘉惠全隴學

子於無窮，引瞻德暉，欽感靡已，特函申謝，再交由國明銀行收到  
滙款五百元，知

注并聞，順頌

勳祺，

隴右公學董事會董事長水梓

孫建初來函

子青主席鈞鑒，久候

鴻範，時切葵傾，敬維

聞望崇隆，

政猷彪炳，

施建國利民之懋績，

展經天緯地之長才，引企

櫛暉。彌殷露頌，弟奉命改遷蘭州，主持甘青採勘事宜，石油關係  
建國資源，自應加緊工作，用副國人期望，茲於本月十五日率同工

程人員抵滬貴轄民和縣境，從事調查，本擬日內趨謁

崇階，躬聆

清誨，適因公務叢脞，急須返處，

戟門在望，領

教未遑，良用歉然，茲特實呈禮品臘肆盒煤油四桶，區區微意，至

祈

晒納，肅圖奉達，順頌

鈞綏，并惟

荃照不宣，

弟孫建初 敬啟

曹啟文來函

香公主席勛右 日前專忱拜謁，得以暢聆

履教 郇厨飽飫，嘉珍寵錫，稠情盛誼，感慙交榮，

明公坐鎮河滄，勳業彪炳，各項建要，突飛猛進，身臨其境者，靡



不嘆爲奇蹟，謂與充國遺風，先後媲美，引聯  
遺獻，爲頌無暨文於十一日晚安抵蘭垣，祈釋

原注：請續行勿道。業將影片帶上，擬即派員專進，屆時對子賜給  
，藍山開陽。重晴何時。願願海波滄茫，徒有寸心未去耳，爾後倘  
留時錫兩針，藥匡不逮走幸，專此奉謁，

井理

勳設

### 曹啟文啟

### 復翟處長仙舟電

酒泉蚤處長仙舟兄龍鑒，微電奉悉，老伯年登大耋，福備正時，適  
值撥揆之辰，聊郊華封之祝，乃承電謝，益爲慚頤，特電奉復，敬  
候台安，馬步芳叩府貞秘機寅聯印

### 翟相齡來電

主席馬鈞鑒，猥以生辰，滙蒙鴻錫，至深銘感，肅電敬謝，恐請鈞安，翟相齡率子玉航叩微印

高一涵來函

子香主席貴兄鑒，日前內子觀光塔兒寺，春節燈會，途經西寧，比以私人遊覽，未敢命其晉謁

崇階，乃據回報，既蒙

優渥招待，臨行復承

寵賜，珍品，感激之忱，匪可言喻，揣此奉謝，並叩

政綏，

弟高一涵 敬肅

致甘肅隴石公學水董事長等函

楚外處長  
鴻公鑒，久遠

應教良切系馳，頃馬秘書長返青，而述小兒繼援此次率師東征道經  
爾垣，諸蒙我

公格外關垂，愛護備至，並承發動各界賢達，開會歡迎，具見期許  
之殷，款待之厚，情若骨內，誠同家人，感激之忱，匪可言喻，即  
勳華丕懋，

履綦康和，至以為慰，甘誓塲地毗連，休戚與共，該師全體官兵，  
俱係家鄉之子弟，蒙

公曲賜訓誨，鼓勵有加，俾兩省感情，日益密切，緬懷福曜，欣佩  
奚如，此間現有保安團隊，擔任防務，轄地靖謐，軍民融洽，堪紓  
遠注，專伸謝悃，敬候  
勳安，

馬步芳

肅啟

趙壽山來函

子香吾兄主席勛鑒，查尹少白歸來，欣讀  
還教，並聆語告，備承

照拂，盛況，具見

誼高情隆，慨推屋烏之愛，

識卓鑑遠，力爭風化之先，欽遲之餘，復深感謝，前弟飛新，向文  
公主任辭行，近已借雲章軍長回機返蘭，擬稍事擱擋，即東赴陝，  
此後遠離

德鄰，覆餗時虞尙祈

嘉箴頻惠，俾資韋佩，是禱，肅箋佈忱，敬頌  
政綏，

弟趙壽山 謹啟

翁燕翼來函

香公總司令賜鑒，久隔

檣暉，彌殷葵慕，溽暑薰蒸，敬維

整軍利民，欽遲旣既，沈教授福文，精研本國添工技術，並留學東洋，進求現代化之科學上乘，其作品曾陳列英美等國博物館，載譽回國之後，歷在各省設校教授，於文化界頗有貢獻，此次應谷主席之約，來甘考察天水添產之質，用擬赴塔爾寺莫高窟觀光勝蹟，資圖案，素仰我

公提倡文化，急欲趨聆

渠訓，奉為座右之銘，因謝委員赴京，謹代囑函紹介，敬懇賜予延晤，指導一切，不勝盼禱之至，肅敬頌

崇綏

翁燕翼 敬肅

## 朱紹良來函

子香仁兄總司令勛鑒據包同志道平簽稱，查民立報，爲革命貢獻最大之報，民元由宋烈士教仁創于上海，繼於民國二十年由職與邵力子續辦於南京，因抗戰停頓，茲擬從事復版，除另招股外，由職將近作書畫各若干幀分展於青海甯夏兩省，擬懇准予分函介紹提倡贊助等情，查包同志奔走革命，有年，詩文書畫，夙爲世所稱許，抗戰以來，服務西北，亦有相當之貢獻，據簽前情特爲加函紹介，敬希延晤，予以提倡，贊助，藉利進行至盼，肅此頌頌  
勛綏

朱紹良 啟

## 郭寄嶠來函

子香吾兄勛鑒，德菴毅志二兄先後帶來

手書，均已敬悉，馬旋長等亦已晤面，多荷

盛意，良爲感紐，弟近奉

委座召電本日飛渝，匆匆未及，一一餘容續函，敬頌

勛安

弟郭寄嶠 拜啟

郭寄嶠來函

子香兄勛鑒，六月十五日手書，近始轉到，承介馬煥文君，至感高誼，惟以離開行營不便作主，業已轉張文公核派適當工作，厚荷鼎囑，敬先奉聞，專復敬頌  
勛祺

弟郭寄嶠 敬啟

水處長箚來函

子香仁世兄主席鑒鑒，河湟跡阻，雅慕

清暇，秋水涵洄，時殷馳系，近繞

續憇黑山，威行青海，引瞻

牙蠶，式頌口碑，茲設者，超一法師，道行高潔，顯密融通，民十  
三留學西藏，八載歸來，弘法東南，軍興返蜀，專意修持，近因主  
持西安巴利學院，並應陞上人士之邀，由陝來蘭，小住數日，擬便  
道赴青，晉謁

台履，藉親渠燧，並觀光貴治朝禮塔爾寺聖地，隨行侍者三人，及  
俗弟子孫華堂並帶茶磚等物，到時特祈

佛賜延見，俾罄所懷，並懇飭屬特別照料，以利進行，是所至禱，

禱肅順頌

暴賦，

楊思

鄉愚弟裴彝準

水絳

五



魯公副主任鈞鑒，遙頌

德輝，思與日并，辰維

政躬康泰，公私勝長，至以爲祝，謹肅者，茲有查少白先生與趙總  
司令壽山兄友善，係近代書畫名家，令擬赴塔爾寺觀摩，並擬在青  
舉行書畫展覽，特函奉介，敬祈  
惠賜指導，毋任感禱，耑肅敬候  
鈞安

張春浦

謹肅

拜 俾

趙壽山來函

子香主席吾兄勛鑒，別遠

景範，景行彌殷，辰維

續著黨國，

溥洽黎庶，式符頌慰。敬啟者，至友查少白君，係陝軍小學時同學，曾參加辛亥革命，歷任中上級軍職，嗣因決意高蹈乃卸公務專習翰墨，數十年來畫兼南北兩宗，書壇古篆草隸，爲陝西金石書畫學會創始人之一，戰前國內影印各集多其作品，而獲載瑤琴，指彈古調更屬高雅，以故望重關中，譽馳海內，今夏應甘省賢達之邀，爰作隴上之遊，於蘭涼兩地，畫展，成績空前，茲因久欽

聲威，且慕

貴治設施，特擬前來西寧，藉資瞻仰，兼作畫展，謹函介紹，敢祈登高一呼，惠飭協助，俾查君的聆

誨益多有便利，無任跋禱，肅編奉懇，祇頌

政綏，諸性

朗照，不宣

弟趙雪山 謹啟

吳忠信來函

子香主席昔兄助鑿，涼風天末，動懷故人，遙想

興居佳勝，為頌無量，頃者津賴之姊丈多吉尼馬及佛姊那吉惠佛妹楊忠清等，來告，日內由京返青，多吉尼馬及青年有為此次觀光內地，印象良好，以後尚希隨時

惠賜，照拂，荷，專此奉布，順頌  
助祉

弟吳忠信拜啟

覆吳主席函

禮公主席賜鑒 遙頌

光霽，至切依馳，頃接賴大佛姊丈多吉尼瑪等抵青，接奉瑤函，祇聆一是，敬響

勳華炳耀，

履祉康和，至為欣慰，多吉尼瑪等觀光內地，映象頗佳，此次遠道歸來，契闊談讌，殊慰離懷，自當特別優遇，用副

諄囑，祈釋

塵念，專肅佈履，祇候

動安

馬步芳謹啟

羅良鑑來函

子香主席吾兄勛右，遠賴佛之姊丈多吉尼瑪君及佛姊祁吉惠佛妹楊忠清女士等不日由京飛蘭，適返青海原籍，多吉君英年不羣，此番觀光內地，已留良好印象返青以後，尙希

惠賜照拂為荷，專此奉布，即頌

動安

弟羅良鑑 拜啟

致趙主任錫光函

錫光主任勛鑒，遙隔半載，良殷馳念，頃馬軍長雲章抵青，面述貴兄對本部各項進行事宜，

格外關切，諸多協助，具見愛護之殷，期許之厚，熱腸古道，銘感無任，即答

履誠康和，

勛華炳耀，為頌無量，芳黍綰邊符，慙無建樹，所幸轄境平謐，軍民協和，堪以遠紓

綺注，茲以馬軍長公畢返防，道經蘭垣，特囑其代候

起居，藉紳款曲，尙乞

不遺在這，

時賜南針，以匡不逮為感，專泐佈臆，敬候

助安，

馬步芳 敬啟

抄陶峙岳來函

子香副主任吾兄勳鑒，此間師範學院胡郭諸教授趁寒假之暇，組織觀光團，一行共二十五人，前來貴省觀光，並遊覽渾中名勝訪問塔兒寺，蒙慕威光，咸以一途  
慶瞻幸，敬介一言，希  
惠予接見，為禱，揣此敬頌  
動賦，

弟陶峙岳 啟

水 梓來函

子香我兄主席勳鑒，近奉

大函，至深欽感，展維

勛望崇隆，

政躬健嘉，為頌，茲有銓叙部視察陳大白先生視察甘肅任務，業經完畢，擬日內前來

貫省視察地方及中央機關公務員之任用考核各情形，該員任部視察有年，對於銓政學識經驗極為宏深，遠道西來，恐諸多生疎，特請憲予關照，並指導一切，俾工作順利進行，無任盼禱，專肅敬請  
勛安，並賀

春鑒

水 祥 謹啟

朱紹良來函

予香吾兄勛鑒，茲有舊屬陸君其清，擅長中西書，刻擬赴貴省參觀

塔爾寺諸名勝，持一言爲介，希  
賜接見，並予以便利爲感，即頌  
勛祺

朱紹良來函

子香君兄大鑒，仇儷藝術學校校長李君丁邇，擅長國畫，頗著聲譽，特携其最近作品來青展覽，特一言爲介，希  
賜接見，並予以便利爲感，即頌  
勛祺，

孫汝南來函

香公主席鈞鑒，前肅寸稟，諒蒙  
垂管，敬維

朱紹良 拜啟

朱紹良 拜啟



勛猷夏大，

福履時隆，引領

燁輝，傾心葵向。茲有蘭垣甘肅學院體育系主任漆蔭堂君組織瀚海球隊率領隊員潘文 equal 等十一人，定期前來觀光，藉聆

訓誨，並聞事先經與

鈞府教育廳及駐蘭辦事處接洽妥當，用敢肅函奉介，敬祈賜予教導，為幸，專肅敬請

鈞安，

王雲五來函

子香先生主席勛鑒，接奉

惠書，藉審

聲華益懋，至洽頌忱，洽廳長成榮來京，業已延晤，洽談甚快，遠

鄭曉孫汝南 敬肅

承

拳注，謹以復聞，敬候

助祺

王雲五拜啟

谷正倫來函

子香吾兄鑒，溽暑炎日敬維

興，百益為頌。茲有關垣甘肅學院體育主任漆蔭宮君組織瀚海球隊，率領隊員潘文哉等十一人定期前來

貴治觀光，並據稱事先業與青省教育廳及駐蘭辦事處接洽妥當等語，至祈

於該隊到寧時

惠予教導為幸，專此並候

勳安

谷正倫 敬啟

水 梓來函

子香我兄主席勛鑒，敬啟者，茲有甘肅學院體育主任漆蔭堂來稱，蘭州市瀚海籃球隊約十五人，擬乘暑期之暇，前往青海觀光，藉與當地籃球隊作友誼之比賽，以資觀摩等語，該隊即由漆君領隊前來，特函介紹，並請惠予指導，俾有遵循，專此敬頌勛祺，

水 梓 謹啟

高一涵來函

子香吾兄主席勛右，啟者，敝同鄉毛屏先生，現任甘肅省合作管理處處長與弟交誼至厚，其婿魏度臣君在中國農民銀行服務甚久，精明能事，成績斐然，茲調任中國農民銀行西寧支行經理，用特函介

，魏君晉謁時，尙稱關雎，以子姪看待，並希隨時指導爲感，專此  
順頌

勛祺，

弟高一函

抄張主任委員維來函

于香仁兄主席勛鑒，前陳一函，計登

記室，敝會秘書長張君開選，

久仰勛猷，情切觀光現因六月寺會赴青晉謁

崇塔，並便遊塔爾寺勝蹟，望祈

惠賜接見，多予指教爲感，蘭州一是如舊，近來連得大雨，豐收可  
望，地方平安，堪以告慰，風便仍望教言時錫，藉資循行，尤所盼  
切，專此布陳，順頌

勛祺，

弟張維謹啟

抄張主任委員來函

予香三兄主席勸益，遠

致日久，企念無益，就繼

助款丕煥。至為欣頌。茲有同鄉漆君蔭堂等十餘人，組織籃球隊前往

貴省觀光，藉資觀摩，據稱已報告青海教育廳允許，並擬晉謁崇階

聽候

訓誨，該隊諸君均係有志青年，敢請多予指教，俾有遵循，至為感

荷。專函奉介，順頌

助綏

弟張維謹啟

駱力學來函

香公主席賜鑒，久違

樽範，時切孺思，恭維

鼎座凝旒，

柱躬康豫為頌，自

鈞部屬子莊師長，鎮懾永登以來，閭閻安堵，萑苻平靖，地方政治  
賴此安定之力，進步殊多，近中縣令易人，由敝友徐君庭芝接替，  
徐君籍隸本省固原，自一民長官主政時，即任財政廳科長迄今，此  
次初長永邑，深以地生疎為慮，懇乞

鈞座轉飭子莊師長，遇事關照，不勝感禱，肅此奉頌，敬頌  
崇安

駱力學拜啟

郭主席來函

子香吾兄主席勛鑒，久違

英采，系念良殷。弟時日抵蘭，

令郎少香師，長在京已數晤談，承派

謝委員齋書言賀，

擊爰稠疊，銘感心已，年來邊疆穩固，端賴吾

兄雍容萬武，坐鎮西寧。增抗戰建國之力，紓中央內顧之憂，

豐功懋績。遐邇同欽。弟忝屬軍人，不諳政治，茲膺疆寄，惶悚時深

，所幸

儻鄰化邇，取

法自資，務祈

時賜箴規，以匡不逮，好在 慈舟兄常駐蘭垣，遇事當隨時請教也

，寒風乍起，諸維

爲國珍重

郭寄嶠 拜復

水梓來函

香公主席勛鑒，馬秘書長德菴到蘭，轉奉

瑤函，迴環銘誦，快同長覩，少香世兄出師戡亂，道經蘭垣，盡漿之迎，聊表歡迎，以此勁銳，推彼枯朽，肅清之功，顧問指事，佇聆捷音，可爲預賀，此次貴省歡送代表多屬舊交，久別重逢，欣慰奚似，盤餐草草，未盡東道之歡，齒謝殷殷，遠勞尺素之賜，緬鴻隆情，彌增悚慙，台座銜護桑梓，奠止邊疆，慰倉生霖雨之望，紓中樞西顧之憂，異日廓清宇內，鞏固國防，標勳績於銅柱，著豐功於旂常，昇則心香之所馨祝也，耑肅奉復，敬頌

勛綏

水梓敬啟

水梓來函



香公主席勸鑒，送奉

大函，敬論壹是。我公垂念隴右公學經費困難，前蒙慷慨捐國幣一千萬元。先後如數收訖，茲又承續捐洋一千萬元，熱心鄉邦教育，一再慨助鉅款，不惟莘莘學子安心向學，各教職員莫不異常興奮，即弟個人減輕籌款責任，感同身受矣，已遵囑飭保管基金董事收作基金發商生息，以維教育，他日隴桃李皆出自公門也。謹代表董事會同人，及公學全體，拊膺鳴謝，順頌，

勛綏

水梓敬啟

致楊參謀長函

德亮吾兄參謀長鑒，遙睽

芝宇，涸湖良殷，頃馬高參毅志抵青，接到名刺並致 懇懇關注之盛意，無任感謝，即審

望隆望贊緒著運籌，至以為慰日前

文公主任蒞蘭，本擬親自首途，面陳一切，惟以青新公路正在動工，關於各項路政，事宜均須親為策劃，且以氣候寒冷，偶患感冒，未能如願，歉也。笑如：此次八二師奉命出發，業由小兒繼攬親率部隊，不日開拔。惟小兒正在青年，閱歷尚淺，且係初次出征，諸多未諳，不免或有困難之處，承貴兄垂愛有素，尚乞視如己子，隨時隨事予以關照，維持一切，俾免阻越，不勝企禱之至，專此佈達，敬候  
勳安

弟馬步芳敬啟

抄展維來函

子香仁兄十席勳鑒：滬中歸來，倏又數月，比審

鴻猷布敷，至用欽佩。十月中旬，為家父七八生辰，國步未夷，奉命不敢稱壽，惟念家父一生劬學，勵行，教育愚兄弟，使之稍有知

識，深愧至今未能有所顯揚，故思徵求時賢文字，以爲寒族永久光寵，托趙處長代請吾

兄賜予發起，茲以將文啟印好，連同詩箋奉寄，敢祈揮灑文翰，以光蓬華，感謝無盡，特此奉陳，即頌公祺，

弟張維謹啟

### 抄吳忠信來函

子香吾兄主席勛鑒，每念

與居，曷勝悵系，頃奉九月十七日秘機字六九八號惠函，敬悉種切，承

囑，貴省蒙古霍碩特前首旂札薩克繼承一節，當即呈請續藏委員會早予辦理也，特此即頌勛安。

弟吳忠信 敬啟

抄甘肅馬廳長梓恩等來函

香公主席賜鑒，前隨

嶠公赴青，得遂頻年觀光

貴治之願，既蒙

清誨有加，復荷

優渥招待，稠情疊誼銘感曷似，彌維

政躬春祐，

勛望日隆，引企

渙中，式慨頌祝，青海導源江河，綰轂新藏，爲自昔籌邊樞紐，亦  
今後國防重地，近年以來，在我公主持領導之下，庶政建設，進步  
甚速，民族融洽，精誠無間，緬懷

宏猷，欽佩無既，揣此奉候，藉伸謝忱，祇請

崇安，諸惟

其照不一，

馬繼周

陳盛蘭

謹肅

宋恪

呂宗祐

覆馬廳長梓恩等函

梓恩廳長寶三廳長盛蘭廳長宗佑處長勛鑒，月前

尊駕蒞青，備聆

教益，推襟送抱，極慰闊懷，惟款待未周，驪歌乍賦，歉仄奚如，

頃奉

惠函，遠勞

齒謝，彌增慙顏，即維

政祉綏和，

助華丕懋，爲頌無量，甘肅爲西北樞紐，毗連青省，自 寄公主席  
秉政後，勵精圖治，一切政治設施，均適合地方之須要，而我  
公夾輔贊襄，造福邊徼，尤深佩仰，甘青齒唇相依，原屬一家，以  
後對於青省軍政諸事宜，尙乞多加指導，俾免隕越，是所祈禱，專  
泐佈臆，敬候

助安

馬步芳敬啟

覆宋院長函

文公院長鈞鑒，謹肅者，頃奉

鈞諭，祇悉種切，此次小兒繼援，因公抵京，諸蒙  
遠格關垂，愛護備至，

隆情盛誼，銘感無涯，祇維

德澤遐宣，

鼎躬篤祐，定存私祝蒙

示青新公路，明年預算數額已交主管機關核辦，仰見

鈞座眷注邊局，維持路政之主意，感激莫名，此間轄境安，軍民融

洽，小兒於昨日遠托

福庇，安抵青垣，祈釋垂念，專肅鳴謝，敬候

鈞安，

馬步芳謹肅十一月三十日

覆國防部陳總長函

辭公總長鈞鑒，遙隔

節塵，良殷依戀，頃奉

惠翰，祇聆種切，此次小兒纒援，因公抵都，諸蒙

鈞座逾格關垂，愛護周摯，

隆情厚誼，銜感莫名，即審

威振瀛寰，作國防之保障，

功高柱石，資袍澤之槽榘，引企

德暉，曷罄芬鋪。小兒於前月二十九日盧托

福庇，安抵青垣。祈釋

垂在芳，久隸

仁幘，備承

眷顧，惟有忠勤自矢，以期仰副

盛意耳。尚乞

時錫榮燭，俾資遵循。是所企禱，肅伸謝悃，敬候

鈞安。

馬步芳謹肅

宋子文來函

子香吾兄主席助鑒：久隔

清輝，正殷企念。少香世兄到京，奉誦十月二十一日



手書，敬悉一一，並由世兄處得諗

政履佳勝，欣慰奚如。旋趙處長德玉兄來，又奉

惠教，青新青鐵路，承

兄親督工程，進行迅速，明年應列預算數額，已交主管注意，以期及早完成，手此順頌

助綏

弟宋子文 敬啟

陳 誠來函

子香主席勛鑒，少香兄來，奉十月二十一日

手書，敬悉青新青兩公路，正在趕修。工程師年會，在青召集，

建設之力，民氣國防，和賴實多，企念

賢勞，欽仰無已，除已與少香兄面談種切並請代為致意外，專此佈

復順頌助綏

弟陳 誠敬啟

湯恩伯來函

子香吾兄勛右，久違

塵教，至所系念，令郎繼續來京，攜來

手書，藉悉

尊况爲怵，吾

兄年來經營踴躍，政績卓著，無任欽佩，京中近日正忙於籌開國民代表大會。此間人士，咸望大局能因此而趨明朗也。知注並聞，即頌勳祺

弟湯恩伯

覆首都衛戍司令部湯司令函

司令賜鑒 謹隔

光儀良殷馳系頃奉

瑤翰聆悉一是。此次小兒繼援，因公抵都，諸蒙  
逾格關垂，愛護備至，感荷奚如。即審

拱衛中樞，作北門之鎖鑰

宣勞黨國，爲建國之棟樑

仁暉無任欣悅。此間轄境又安，軍民融洽。小兒於昨日遠托

福庇，安抵青垣，祈禱

履注，專肅佈覆，敬候

勳安

馬步芳敬啟

黃萍蓀來函

香公主席先生道右 社編蔣百里

先生文選一書前蒙

撰序闡揚發起梓印，適遼湘桂戰役，成書萬卷，盡罹兵燹，頃奉健

生辭修二公面屬，重付劖劓，惟目下物價騰湧，印費奇昂，非賴群力不克有成，擬求

貴府 予以提倡 籌訂數千部 令飭所屬全省文武各員人購一冊 詳加研讀，庶先哲嘉言潤澤治下 有裨建國，殊匪淺鮮，將軍熱心文化，海內共

仰，千祈

鼎力贊助，勿吝見復，為幸，肅此即頌

勳安

陳部長誠來函

黃萍蓀 敬啟

子香兄勛鑒 邇來披讀報章，欣悉各地收成甚佳，值此饑饉之後，至堪慶幸，惟痛定思痛，深感事前之綢繆，實逾於臨事之補苴，且目前奸黨大擴大內亂，各地匪氛正熾，而游資又塞中市場，致農村

有穀賤之苦，似此災患相乘，重累人民，懲前毖後，覺補救之道莫逾積穀。中央鑒及穀賤傷農，正由糧部計劃於各大都市籌設常平倉。實施調劑糧價。同時農行又準備轉飭各地分支行處舉辦穀物抵押貸款，是則中央方面對於調劑糧價防止谷賤苦農之辦法。已積極着手進行，倘各省縣地方政府以能把握時機，除加緊辦理隨賦帶征之積谷外，對於農村過剩之穀物，或運用地方資金，設屯購或發動人民儲谷，備荒運動，以鄉（鎮）為單位，酌限一定之儲額，由人民自行保管，遇有饑荒，自行分配處理，則必樂於從事，倘能如此，兼籌並舉，既可蘇一時之民困，復能肆應未來可能發生之災變也。此外如移置人口，密度過大，區域之勞力，復耕荒區、獎勵游資投入復耕事業。更為增加生產解救糧荒之要圖，素議

老成謀國，想必

卓見早具。弟凜于以往糧食問題之嚴，重特抒鄙懷，尚希

卓裁，並盼示復，專此奉達，敬頌  
勛綏。

弟陳誠敬啟

甘肅永登地方法院院長康紹先來函

香公主席鈞鑒，遠託

耕幃，久深感戴，傾心向慕，超謁靡由，頃奉  
惠諭，謹悉壹是，敬維

握符坐鎮，

固鎖鑰於北門，

持節邁方，

作屏藩於南服，

隆鑾上治，拜在下風，此次騎八師蒞永，紀律嚴明，秋毫無擾，聞  
將士之循良，亦由我

公之善於將將也。地方士庶，感戴

鴻慈，生佛在家，口碑載道，先至爲東道之主，自宜邀同各界團會  
歡迎，藉陳愛慕之意，來

論伸謝，曷敢克當，寸丹銘感，尺素難罄。惟冀

時頒訓言，俾得遵循有自，無任企禱之至，專此奉覆。虔請  
鈞安，

甘肅永登地方法院院長康紹先 謹肅

### 西北行轅張主任覆函

文公主任賜鑒，遙隔

旌麾，時殷築結，頃馬軍長暨章抵青，接奉惠函，備承  
關注，懇懇盛意，感何可言，敬答

柱躬康和，

勛事炳蔚，至爲欣慰，新省幅員遼闊，民族雜居，且以孤照塞外，

爲國防之重鎮，歷年以來，糾紛迭起，自我公蒞新之後，力謀各族之團結，實行民主之政治，俾天山南北，均能懷德悅服，竭誠擁護中央偉烈豐功，佩仰焉已。 敝軍駐新部隊，尤賴我

公懇摯愛護，詳凡關切，視同家人，此尤芳感激興奮者也。青新公路爲國際交通之幹綫，今春奉命修築，當即策動軍民，努力工作，以期如限完成，此爲應盡之責任，遠蒙獎飭逾懷，益覺慙慙交縈，青省轄境平謐，軍民協和，祈輝念，馬軍長正在青年，閱歷尙淺，務懇隨事隨時，

予以訓導，是所切禱，其餘各節，已託其代如爲益，專肅佈臆，敬候

助安

馮馬步芳 啟

致韓師長雲卿函



雲卿師長台鑒，久遠

之光，殊殷遐想。頃雲章軍長抵青，接到

惠函，備承

關注，深為欣慰，所有一切情形，亦均明瞭，即維  
聲華日著，

履祉秋和，為頌。我軍駐防新省以來，頗獲

中央之嘉許，及地方之愛護，感念

賢勞，愉快奚如。惟以後對於部屬，務必令其遵守法紀，以保持本  
軍固有之精神，如果有觸犯法紀情事發生，不但關係個人前途，且  
有碍團體名譽。儻希飭令各級官兵，潔身自愛，尤以安心服務，以  
副厚望。至部隊整編之時，

台端務須協助雲章軍長，服從命令，和衷共濟，是所企盼，此間地  
方平謐，一切如恒，希釋

這念，專誠備處，願詢

台祺

馬步芳 啟

致宋院長函

院長鈞鑒，謹肅者，久睽

擘暉，良殷苑結，祇維

鼎躬篤祐，

德澤遐宣，

績佐中興，播聲華於寰宇，

策紓建國，著碩望於疆垣，引企

鴻猷，無任瞻忭，茲敬懇者，本月三十一日，恭逢

主座嶽降之辰，薄海騰歡，兆民咸慶，職本擬親自赴都，敬謹祝賀，祇以青藏膏新兩路，正在趕期興修，請須親爲策劃，兼之工程師

年會，在青開會，亦應隨時照料，不克分身，特遣小兒繼援前來參加慶典，已囑其於抵京時，晉謁

崇階，代候

駕履，尙乞

鈞座俯賜訓誨，

指示一切，是所至禱，專肅蕪函，祇候鈞安。

職 馬步芳謹肅

覆陶總司令函

岷統總司令勛鑒，遙睽

旌節，良殷系馳，頃馬軍長雲章抵青，接奉

惠函，備承

拳注，欣感無任，即答

風聲增緩。

聲威遠被，至以爲慰。新省孤懸塞外，歷來糾紛迭乘，自  
貴部駐防之後，地方秩序，已趨安定，政治設施，實行民主，邊疆  
有奠底之象，

中樞無西顧之憂，遠道聞之，欣佩曷已，敬軍駐新部隊，直隸  
麾下，諸蒙

懇勲維護，視同家人，尤令人感激不忘，馬軍長正在青年，閱歷尙  
淺，尙懇

隨事隨時，

加以指導，是所感盼。此間一切已託其代爲面陳，專此佈陳，敬候  
助安。

馬步芳 敬啟

賈部長景德來函

子晉仁兄主席勛鑒，止深馳系，連接  
瑤函，藉悉

政履綏和，允符所頌，承

賜之件，業經飭科詳查，簽稱馬局長繼融之復審案，尙未經行政院  
轉送司部，一俟收到當即注意辦理；於可能範圍中，從寬核發，等  
語，知關

綺注，特先佈復，順頌  
勛祺

賈景德拜啟

覆賈部長函

煜公部長賜鑒，久睽  
光霽，系念良殷，頃奉  
惠函，藉聆一是，就謹

勛華彭炳，履祉協綏，至以爲慰，承

示馬局長繼融復審案，允予從寬核敘，深爲銘感，爲政院轉到時尤

懇

鼎力栽植提前議敘，以宏造就，是所感禱，專此佈覆，敬候  
助安

馬參芳 敬啟

覆范禹勤函

禹翁老先生道鑒，候違

光儀，候更歲館，中心竊寫，依戀良殷，頃奉

惠備備承

關注，心長語重，感荷無任，此維

福履綏和，

深望篤誥，爲欣爲頌，蒙

示尊駕春初蒞青，展覽書畫，極表歡迎。先生以隴上睿夙，兼擅藝事，尺絹寸楮，價重連城。此間人士當以爭覩爲快，爲能長作厲公，更增邊地之光，至青雲學校辦理以來，用人失當，迄無改進，此次因袁案發生，地方紳耆，均函電交馳，囑芳派人接收，而

先生關懷教育，懇懇以此事違道垂託，尤覺義不容辭，茲派本省職業學校校長魏泰興，起程赴涼，辦理接收事宜，並囑其專誠晉見，代候起居，魏校長在青服務，教育多年，人極穩慎，尙乞先生諸凡予以指教，俾免隕越，是所切禱，芳黍箱邊符，愧無建樹，乃蒙

長者非分獎飾，益覺慚顏，尤懇

時賜渠燧，藉匡不逮，不勝企盼，專此佈臆敬候  
道安；

馬步芳 敬啟

## 西安胡宗南來電

馬主席子香兄，本部此次待攻匪巢，匪集中三師又十一族兵力，及民兵等不下十五萬之衆，相繼頑抗，阻擊匪軍，且以支持七日待援反撲，故自封鎖綫起，步步營，尤以臨鳳鎮金盆灣松樹嶺北三寺大小勞山等陣地，均係依公里之縱混亂，幸賴領袖下令嚴明，將士用命，及空軍協力，經六晝夜浴血激戰，先後擊退，朱德彭德懷賀龍等所指揮之一二零師，二十七師，騎六師，教一旅，教二旅，警一二三四旅，新一四八九旅，十一旅等部，及民兵七萬餘人，于皓午後五時承第一師確實攻佔延安，共匪狼狽向東北潰竄，刻正部署追擊中，敬聞弟胡宗南寅皓西智印，

## 甘肅郭主席奇嶠來函

子香吾兄勛鑒，馬秘書長德菴兄等到蘭，奉讀惠教，並談謹



勳履雙隆，莫名忭慰。此次整八二師部隊出征，貴省各界歡送團，遠程歡送，具徵軍民融洽，情逾骨肉，非吾

兄威德感召，曷克有此。雄師分批經行，紀律嚴整，士馬精強，少香師長抵此後，此間各界昨日在蘭園開盛大歡送會，羣情熱烈，與壯懷激昂，一堂輝映，可稱空前。今早軍行更形浩蕩，沿途給養及今後軍政配合事宜，已派馬廳長繼周赴隴東與二三區專員等會同籌辦，請紓

遠念，餘均請馬秘書長代陳，專泐奉復，順頌勳祉

郭寄嶠 拜啟

復郭主席寄嶠函

寄公主席賜鑒 蘭皋河冰，一面緣慳，每臆德暉，輒深洄溯，頃馬秘書長返青，接奉

瑤函，祇悉一切，並向述此次歡送出征將士代表團祇蘭時，諸蒙我公垂注懇拳，愛護備至，既承

格外關照，復擾

寵錫嘉筵，全省各族人士，靡不感深熬戴，敬維

勛華復祉，並增佳譽，為頌無量。整八二師奉命出征，報效黨國，以軍人應盡之天職，乃勞我

公發動各界開會歡送對小兒繼援優待逾恆，鼓勵有加，厚誼隆情，不啻骨肉，豈僅閤家銘感，即全體官兵，均為興奮，惟小兒正在青年，諸多未諳，尚乞

隨時訓誨，免愆尤，不勝企禱。專伸謝悃，祇候

弟馬步芳敬啟

致甘肅隴右公學水董事長等函

楚公處長 鴻公請長 賜鑒 頃馬秘書長返青，面述隴右公學，多年以來，經我

公極力提倡，成效昭然，惟以經費支絀，前次所滙之款，僅足支目下困難，聞之深為馳念，當此建國開始，首重教育，尤以隴右公學為造就三隴之英才，為我

公辛苦所經營，自不能不勉竭棉力，以資涸埃之贊助，茲飭由滙中實業公司續滙上國幣壹千萬元，至請查收，作為基金之用，專陟佈臆，敬候

勛安

馬步芳 敬啟

吳子清來函

香公主席鈞鑒，

久慕

荊州，時縈夢寐，暮雲春樹，景仰高山，清因蝟務紛紜，以致鮮通音候，稽康性懶，惟望海涵，恭維

鈞座黨國碩賢，荷邊陲之重寄，萬民感戴，恩霑勛勞，同光日月，憶客歲春間得

鈞座懇惠青睞，派王敬伯孟全義馬振華等兄蒞團參觀，惟念作東道簡忽，且各種演練生疏，但承指導良多，誠拋磚引玉也。此次駿八師凱旋榮歸，消過金城，清應盡胞澤之誼，籌辦駐地，以表歡迎，但自謙力薄弗周，對友軍之歉仄、今復奉

鈞座來鴻，並蒙厚賜，過蒙垂愛，贊譽推加，清于拜納之餘，汗流夾背，敬書致謝，聊表歉忱，專此恭候  
勳安。

弟 吳子清頓首

賈部長等來函

子香吾兄主席勳鑒，敬啟者，我國抗戰歷時八年，北方各省淪陷最久，而勝利以後，復爲共軍擾亂，人民所受痛苦尤難言宣，各省在京國民大會代表，因鑒於各省處境相同，爰有北方代表聯歡會之組織，公餘集會，交換意見，藉資聯繫，並相互報告各省被災實況，

及人民所受痛苦情形，僉以上項消息，歷來在南方各報紙向少登載，致實際情況，多不能爲外界所明悉，甚至在新聞界亦毫無一人參預，各代表屢有提議，決定創辦一大型日報，並附辦晚報畫報等，藉以報導北方各種實情，引起社會普遍之注意，並提倡北方文化，當時與會代表，復以閻百川長官，在北方主政多年，德高望隆，及議定請閻長官予以倡導，經得此議函陳閻長官後，已得復函允諾，並蒙撥助基金五億元，惟茲事體甚大，須集羣力始克有成，且創辦基金按現時物價，從少估計約需二十億元，承各代表認推惟份等責責募集，吾

兄主政青省，對於此項文化事業，素具熱忱，用特函達，敬祈賜予贊助，惠撥鉅款，以利進行，無任盼禱，專此順頌，  
助綏

張繼

弟丁惟汾 敬啟

賈景德

覆張委員賈部長丁委員等函

××賜鑒，遙候

光霽，至切依馳，頃奉

瑤函，藉悉種切，即審

勛華炳蔚，

福履康和，至以為慰，北方各省頻年以來，久遭倭寇之蹂躪，及抗戰結束，復受共軍之殘害，致陷人民於水深火熱之中，我

公擬創辦一大型日報，引起社會普遍之注意，並提高北方文化，具見悲天憫人，飢溺為懷，無任佩仰，芳蹤行能無似，而贊襄義舉，未敢後人，自當追隨

請公之後，勉效棉薄，用副尊囑，自乞

教言時賜，以作南針，是所祈禱。專肅佈臆敬候  
勛安

抄郭維屏來函

香公主席賜鑒，昨奉

教言，並承

厚賜，解衣之惠，感篆曷既，比維

績著西陲，

德昭瀚海，遙企

吉暉，至以爲頌，日前騎八師凱旋過蘭，此間各界極表歡迎，足徵  
剛練多方，克彰

馬步芳 謹啟

懋功，西北之光，全隴歡忭，弟備員曠曹，乏穀足述，差幸飲會大會開幕，諸事手順，蘭垣附近，屢得時雨從此雨暘咸宜，當告豐稔，知關

厘注，並以奉聞，肅此鳴謝，敬頌

勛綏，即希

亮督，

烏靜彬來函

弟郭維屏 謹啟

主席鈞鑒 臘盡歲除，春明景麗，翹企

五雲 輒深景仰，恭維

政躬清健，

勛績豐宏，為頌為禱，前者漢王去青，滙荷

盛貺，解囊慨贈，對其生活關照，無微不至，私心感荷，



肺篆不忘，茲以二中全會開幕在即，日內將送漢王飛漁出席，會後返蘭，擬即前往青海，趨

塔拜謁，以謝

大德，兼聆

教誨，肅修寸稟，莫罄下忱，敬請

德安伏維

崇鑒

鳳鳥靜彬 謹稟

致張議長水處 函

議長勛鑒 遙頌

道範，至切瞻依，此次整八二師部隊，奉命出征，道經蘭垣，備蒙我公及各界人士，諸凡關垂，熱烈歡迎，具見惠愛邊軍鼓勵施澤之

雅誼，莫名欣感，即維

聲華懋介，

履祉康和。爲頌無量，茲敬懇者，本省各界人士，以該部隊駐青年久，情感彌隆，且所屬官兵多籍隸甘青兩省，尤有桑梓之誼，特組織歡送團公推馬秘書長德菴，李參政員德淵，蒙藏代表華寶藏等爲團員，赴蘭歡送，已囑其於到達時趨謁

座右，候

與居，尙乞

俯予延見，

指示一切，是所感盼，專肅奉懇，敬候

助安

馬步芳 謹啟

致郭主席函

寄公署兄主席賜鑒，遙頌

光霽，良殷溯洄，此次整八二師部隊奉令出征，道經蘭垣，備蒙我公諸凡關垂，逾格優待，並督飭各界人士，熱烈歡送，加殊恩於袍澤，播仁惠於戍行，高誼雲天，莫名感荷，祇維  
助猷炳蔚，

柱社春和，為頌無量，茲敬懇者，本省各界民意機關及各法團，各蒙藏千百戶，以整八二師駐青多年，軍民融洽，情感之篤，有遺骨肉，且該師隊官兵多籍隸甘青兩省，並有桑梓之誼，特組織歡送團，推定馬秘書長德菴、李參政員德淵，蒙藏代表華贊藏等赴蘭歡送，囑其到達時，晉謁

廳右，代候

福履，會乞

俯予賜見，

指示一切，是所感禱，專肅奉懇，敬候  
勛安

馬步芳謹啟

抄到任來函

香公副主任鈞鑒，久欽

標輝，未獲時承訓示，至深企仰，恭維

勛猷懋介，

政績綏和為頌，本屆工程師年會，在西寧舉行，本行曠曠孫高參洋  
生，實呈

主任訓詞趨謁

崇階，屆時請

鈞處代表致訓，青新公路築構情形，請賜知大要，俾便轉報，刻奉  
主任來電，預定下月初返蘭，謹以奉聞，肅候

景安

或制任敬啟

杜鏞來函

子香先生主席勛鑒，令郎少香世兄蒞滬，實到

憲輪，就潘

指壇若定，

助福彌隆，瞻念

燭輝，深慰渴想，年前在渝曾與世兄接晤，一別多時，忽於淞滬之濱，重逢懽聚，尤感愉快，此間氣爽秋高，黃菊霜豔，大堪尋味，自當竭誠招待，稍申地主之誼，

知關

綺注，敬先奉履，順頌

助祺，

杜鏞敬啟

潘盈漢來函

主席鈞鑒，竊 查昔年寄旅滬中，獲蒙

優暎，既荷許以位置，又沐賞以斧金，使不學之資，得以深造，無用之林，歸於有成，此種仁培，雖悞違已經數載，而感激時繫寸心，近謹

鈞座操勞國政，坐鎮海疆，水不揚波，聲威遠懾，於西塞，功在書帛，倚畀早鑒於中央，仰瞻

節履，曷勝頌禱，仍冀猥以下乘，謬荷

鈞知，頻年浪跡東南，自愧毫無尺寸建樹，故未敢以無謂之書，上瀆泉聽，竊者倖獲國用，畀以重任，得膺武威團管區司令一職，視事以來，先求本身之健全，以為推進業務之初步，所有內部屬員，均已調整，各縣工作，次第開展，務期一兵得一兵之用，以副國家整軍經武之主旨，且以答吾

座鑒昔提攜扶持之裁成，還祈

訓誨頻頒，俾資遵循，不勝摒營，待  
教之至，祇此修贖，用先致敬，恭請  
鈞安伏惟  
鑒察

曠潘盈漢 謹肅

抄拜高參偉來函

香公主席賜鑒，睽違

教命，無任依馳，多年

關垂，幸無曠越，感荷殊深，辰維

政躬康泰，公私佳勝，至以爲祝，此聞西北行營已於上月爲日成立  
，偉奉

主任張之命，留任行營高參，並習兼總務，偉自戰區結束後，即擬  
離蘭回籍無如堅辭終不許可，復經友好勸慰尤感情義難却，因此暫

予勉就也，汲深綆短時虞限越，敬祈  
 時惠導示，俾有遵循，為禱，崙肅佈  
 達，敬候  
 勳安，

拜 偉肅上

郭主席來函

子香吾兄勳鑒，十二月二十六日

惠教敬悉，

獻費發春，

勳名懋也，至深忭慰，各公路修築改善，全仗

鼎力推動，猥荷

圖謝，殊抱不安，凍解以後，行看偉大工程，在

賢者主持領導之下，次第完成，國防民生，利賴曷既，歲月餘來，



分赴二四五六各區，召開行政會議，深入民間，備知疾苦，益覺建設各端，更須加倍努力也，公餘尙望時惠偉略，匡我不逮，是所感禱，專此佈復，順頌春鑒

郭奇峰 拜啟

### 致蘭州郭主席函

寄公主席賜鑒，睽隔

光霽，至切依馳，日前聞我

公履新，當即肅函，並遣小兒繼援赴蘭歡迎，用表微忱，諒蒙鑒督，比維

勛華炳耀，

柱躬康和，建績邊陲，作西北之保障，勸植民權，為屬上之福星，翹企

德暉，無任欣頌，甘青壤地毗連，原屬一家，年來此間一切事宜，  
諸賴我

公扶植愛護，久深銘感，

本擬親自前往蘭垣，面聆

渠訓，惟以政務殷繁，職守攸難，不克分身，至爲歉歎，蓋蒙本府  
謝委員慈舟，代表前來，晉謁

座右，肅伸誠款，謝委員在青年久，對於本省政務，多所襄贊，深  
資倚畀，以後關於青省軍政軍各項事宜，由該委員常川駐蘭，以資  
全責，務懇我

公俯賜關垂，

多加指示，不勝感荷之至，專肅佈臆，敬候

助安

馬步芳 敬啟

續各處賀得野函

偉鑿頌奉

瑤函，聆悉一是，猥以

舉生孫男，辱承

賜賀，懇慰盛意，欣感曷住，即答

起居暢綏，聲華懋介，玉以爲慰，

年逾不惑，老境侵尋，無補時艱，幸得含飴之樂，上承宗嗣，聊道

肯構之衷，誦

吉語之續，紛益佩銘於靡，既敢希繩武，且禧垂丁，開湯餅之延，彌增

蓬門之愧，特伸謝悃敬候

時綏

馬步芳 敬覆

司法院院長居正來函

子香仁兄主席勛鑒，長夏溽暑，方想

賢勞，比奉

手書，藉聆

清覽，

旌麾在望，欣慰彌多，承

示創修省志，盛業千秋，遠矚

宏猷，無任佩企，正年前觀光

貴省輟轍匆匆，庶以學殖久荒，未遑記述，僅成青海行一章，略就  
見聞，誌其泥爪，自維拙劣，原不擬以視人，今以

厚意詢及，輒另紙乞

致，即希

督之，專此馳覆，即頌

勛綏，

立法院院長孫科來函

子香吾兄主席勛鑒，接誦六月二日

大翰，祇悉一一，吾

兄爲提倡地方文化，組織通志編纂委員會，着手編纂省志，以垂永遠，甚盛事也，承

囑提供資料，自所樂爲，將來如有相當材料，當隨時奉寄也，專覆

即頌

助祺

孫科

行政院副院長翁文灝來函

子香吾兄勛鑒，經年闊別，懷念方殷，遠辱

惠鑒，益增拳繫，我國素重史乘方志之書，最稱淵浩青海，據黃河之上源，居通孔孟之孔道，長林豐草，宜木宜耕，政教文物，尤多

可紀，涸湖舊遊，山湖歷歷，但值居留時間甚短，履及之地不多，  
茲謹

貴府專聘機關纂修省志，闡抉輿理，揚述幽明，因人物之更革，窮理  
亂之本源，他日告成，願得先覩之快，乃荷蒐集微稽，不遺固陋，  
深愧無以答，茲隨奉資源委員會季刊三冊，藉報

雅懷，皆本會成立初年調查西北之報告也，專復敬頌

時祺

翁文灝 拜啟

致教老人家函

憲公老人家賜鑒，遙頌

材履，馳念良殷，月前海峰參議抵寧，請

道謝康和，

聲華丕懋，至以為慰，

普慈老人家性行高潔，飢溺為懷，生前布道宣化，澤被四陲，而

持地方，肅埽黨國，尤為各方人士所欽重，頃值

老人家逝世週年紀念，追懷并續，至切溯洄，刻因海峰參議返里之

便，託帶禮洋壹百萬元，聊作輓經之用，區區微意，尚乞

豐收，是所企盼，

老人家繼承遺教，聲施爛然，久所欽仰，後此多年交好，原屬一家

，尤乞

多賜箴言，藉匡不逮，為荷，專泐佈臆，敬候

道安，

覆郭劍羅長函

子藩誦議長勸鑒，久隔  
光儀至切馳念，頃奉  
惠翰，驚悉

老伯大人遽爾仙遊，良深哀悼，惟念嘉言懿行，允足為鄉里於式也  
而我

兄勳華昭著，望重梓鄉，

老伯在天之靈，可以無憾，會乞

節哀順變，勉盡大事，茲由郵寄上輓幛一軸，聊誌哀忱，至懇  
靈收代慰為盼，專此佈復，敬候

禮安

馬步芳 敬啟

馬步芳 敬啟



濟南文德化學